


淵

穎

集

二





淵 穎 集
(二)

吳 萊 撰

淵穎集卷二

夜聽楊元度說宣和內宴雜事

〔蔡京太清樓待宴記〕政和二年三月八日皇帝開後苑宴太清樓召臣京及執中等於崇政殿賜坐命宮臣擊鞠乃自景福殿西序入苑門詔臣京曰此趾步至宣和廊言者

所謂金柱玉戶者也厚誣宮禁其令子攸夜入觀巖東入小華徑南度碧霞聚又東入便門至宣和殿日午謁者引執中已下入女童樂四百靴袍玉帶列排場下宮人籠珠翠金玉束帶秉扇拂與巾劍鉞執香毬擁御床以次立酒三行上顧謂羣臣曰承平無事君臣同樂宜略去苛禮飲食起居當自便無間已而羣臣盡醉

北風吹庭柯秋士慘不悅

〔淮南子〕春女思秋士悲

頗懷炎德衰

〔謝朓郊廟歌赤帝云〕惟此夏德德台恢兩龍在御炎精來

一旦幅員裂

〔詩〕幅員既長

當思

付畀重但孕驕淫蟹

蟹音業〔說文〕衣服歌謠草木之怪謂之蟹禽獸蟲蝗之怪謂之蠶

中宮日沈灑

〔書〕沈灑于酒

內伎增舞列聖人自鳴箏丞相

齊按節奇花入綱運

〔宋史〕徽宗垂意花石以朱勔領蘇杭應奉局取浙中珍異以進舳舻相銜於淮注號花石綱

法酒從流巖

〔前漢叔孫通傳〕置法酒諸侍坐殿上皆伏抑首以尊卑起次上壽觴九行謁者

言罷酒御史執法舉不如儀者輒引去竟朝置酒無敢謹謹失禮者〔注〕法酒猶言禮酌謂不飲之至醉

畫圖恍有見帷薄知甚褻

〔前漢敘傳〕富平定陵侯張放淳于長等愛幸帝出爲微行則同輿執轡入侍禁中設宴飲

之會及趙李諸侍中皆引滿舉白談炙大噱時乘輿幄坐張畫屏風畫紉醉踞姐已作長夜之樂〔又賈誼傳〕坐男女淫亂污穢無別者不曰污穢曰帷薄不修

唱迴波樂甚誼雜失禮次至景伯歌曰迴波爾時酒厄微臣職在箴規禮飲只合三爵君臣雜亂非宜席爲之散時人稱之 賦豈好色設〔按〕宋玉有登徒子好色賦君心既已蕩〔左傳〕楚武王伐

曼曰余心蕩鄧曼嘆曰王祿盡矣 國步驚欲蹶詩國步斯頽又國步沒資妖狐空獻鬻〔淵中記〕狐五十歲態更媚人百歲爲美女 侍鼠

不塞穴〔晏子春秋〕景公問晏子治國何患對曰社鼠者不可薰不可灌君之左右出賣寒熱人則比周此之謂社鼠也 坐令汴河冰變作燕塞雪〔一統志〕汴水源出開封府蔡

牟縣北入于黃河秦爲三川郡漢爲陳留郡東魏置梁州後周改爲汴州宋爲京師〔續編〕宋太祖元年以大梁爲東京開封府洛陽爲西京河南府〔史記〕封召公於北燕〔按〕燕今順天府〔通鑑〕宋徽宗宣和四年金克遼燕京欽宗靖康元年金人渡河陷西

京遂圍京城京城陷帝如金營請降二年金人以二帝及后妃太子宗戚三千人北去高宗紹興二十三年金人都于燕二十八年金營汴宮寧宗嘉定七年金主珣遷都於汴 玉鉉乃一震〔易〕金甌可無缺〔梁書〕

武帝曰我國家如金甌無一傷缺 由來治亂間 一是興亡轍豐侯早著戒〔詩〕文王受命有此武 襄奴竟爲厲〔詩〕今茲之正胡

或滅之赫赫宗周褒姒 乾坤獨不大 甕盎相起滅〔王充論衡〕桀無道兩日並照在東者將起在西者將滅費昌問馮夷曰何者爲殷何者爲夏馮夷曰西夏也東殷也於是費昌從族歸殷 於茲

聞十愆得不仰前哲〔書〕制官刑儆于有位曰敢有恆舞于宮酣歌于室時謂來風敢有殉于貨色恆于遊畋時謂淫風敢有侮聖賢逆忠直違耆德比頑童時謂亂風唯茲三風十愆卿士有一于身家必喪邦君有一于身國必亡其刑

具訓于
蒙士

讀漢武內傳寄戴仲游

我問學仙子，神仙何所求。翩然王母使，

〔集仙錄〕西王母者，九靈太妙龜山金母也。一號太虛九光龜臺九母元君，乃西華之至妙洞陰之極尊位，配西方母養羣品。天上天下三界十方女子之登仙得道。

者，咸所隸焉。〔內傳〕帝閒居承華殿，忽見美女曰：我傭宮女王子登也，向爲王母所使，從崑崙山來。語帝以七月七日王母將降。〔又〕王母有一青鳥，常從西方飛集帝庭。

特降五城樓。

五城樓，解見早秋作。

白雲起復滅，丹

掖戒涼秋，黃麟雜赤虎，旌幟鬱蝻。

〔內傳〕七月七日，帝修除宮掖，盛服立於塔下，以候雲駕。二更後，忽見西南如白雲起，鬱然直來，逕趨宮庭，須臾轉起，開雲中簫鼓之聲，人馬之響，半食頃，王母至也。或駕龍虎

或乘白麟，或乘白鶴，或乘軒車，或乘天馬，羣仙數千，光耀庭宇，既至，從官不復知所在。

上元三角髻，聞命亦來游。

〔又〕王母欲去，帝下席叩頭請留，王母乃遣侍女郭密香，邀上元夫人同宴於漢宮，帝見侍女下殿，俄失所在，須臾，上元夫人遣一侍女問答云：阿環再拜，聞命之際，即當命駕，先被太君勅詣玄洲，還便束帶，願暫少留，俄而夫人至，服青箱之袍，頭作

三髻，餘髮散垂至腰，戴九雲夜光之冠，曳六田火王之佩，垂鳳文林華之纓，腰流黃輝精之劍，上殿向王母拜，王母呼同坐，謂帝曰：此真元之母，尊貴之神，帝拜之。

玉女列左右，容眸盼如流。

〔又〕西王母乘紫雲之駕，九色斑龍，別有五十天仙，側近鸞輿，皆長丈餘，同執綵旄之節，佩命剛靈璽，戴天真之冠，咸住殿下，王母惟扶二侍女上殿。

神光乃

上屬衆樂發空謳。

〔又〕王母升帝殿，於坐上流觴數遍，王母乃命諸侍女王子登、彈八琅之璫，董雙成吹雲和之笙，石公子擊昆庭之金，許飛瓊鼓震靈之簧，婉麗華拊五靈之石，范成君擊湘陰之磬，段安香作九天之鈞，於是衆聲徹朗，靈音

駭空又命法嬰〔又〕王母曰夫欲修身當營其氣太僊真經所謂行益易之道益易尙可化〔又〕王母曰夫欲修身當營其氣太僊真經所謂行益易之道奢淫直難抽〔又〕上元夫人謂帝曰汝好道亦爲勤

歌玄靈之曲〔又〕王母曰夫欲修身當營其氣太僊真經所謂行益易之道益者益精易者易形能益能易名上僊籍不益不易不離死厄

矣動而不獲實有由也汝胎性暴胎性淫胎性奢胎性酷胎性賊五者恆舍於榮衛之中五藏之內雖

獲良鍼固難愈也此五事者皆是穢身之刀鋸剝命之斧斤矣若從今捨爾五性反諸柔善當有異耳

從知扶廣受或用柏梁收

五嶽形已祕靈飛錄仍幽〔又〕王母巾笈中有一卷書盛以紫錦之囊出以付帝曰此五嶽真形圖也上元夫人語帝曰呵母

今以瓊笈妙繩發紫臺之文賜汝八會之書五嶽真形至珍且貴矣乃命侍女紀離容到扶廣山勅青

眞小童田六甲左右靈飛致神之方十三事以授帝王母曰此三天太上之所撰藏於紫陵之臺隱以靈壇之房封以華琳之函

以蘭蘭之帛約以紫羅之素印以大帝之璽子其寶祕焉帝奉以黃金之箱封以白玉之函以珊瑚爲軸紫錦爲囊安著柏梁臺上

母將

剝爾命但欲返諸柔一洗狐鳥狙長辭螻蛄丘〔按〕漢紀元光元年遣方士李少君入海求蓬萊

安期生之屬元狩四年拜方士齊少翁爲文成將軍又以方士樂大爲五利將軍尙

公主後俱以誣罔伏誅帝對羣臣嘆曰天下豈有神仙靈妖罔耳罷方士候神人者

平準暴海內〔史記〕元封元年桑弘羊爲治粟都尉領大農筦天下鹽鐵弘羊

請置大農部丞數十人分部主郡國令遠方各以其物貴時商賈所轉販者爲賦而相灌輸置平準於京師都受天下委輸召工官

治車諸器皆仰給大農大農諸官盡籠天下之貨物貴即賣之賤則買之如此富商大賈無所牟大利而萬物不得騰踊名曰平準

發兵

困遐陬〔按〕漢書元光五年通南夷置犍爲郡通西夷置一都尉元朔二年匈奴入寇遣衛青等將兵擊走之遂取河南地立朔方

郡元狩元年以霍去病爲驃騎將軍擊匈奴收之過焉支至祁連山而還元鼎五年遣將軍路博德將兵擊南越置南海蒼梧

鬱林合浦交趾九眞日南珠厓儋耳爲九郡又平西南夷置牂柯越巂沈黎文山五都爲五郡元

封二年遣將軍楊僕伐朝鮮置樂浪臨屯玄菟眞番太初元年築受降城又遣將軍李廣利伐宛

琪花柄倒景琪花解見早秋偶然作倒景解見星君像圖

瑤草隔玄洲。〔十洲記〕玄洲在北海之中。上有太玄都仙伯真公所治饒金芝玉草。終成泄道要。寢使增愆尤。鄙夫忽自笑。頽俗奚其媮。機關出鬼

蜮。〔詩〕爲鬼爲蜮。利欲生螟蠹。〔又〕去其螟蠹。臟及其蠹賊。崑崙一萬里。得去那能留。〔水經〕崑崙山在西北。去嵩高五萬里。地之中也。高萬一千里。河水出其東北。岷屈從其東南。流入渤海。

爲爾遣此什。塵簪早須投。〔史記〕投簪請老。〔南史〕陶弘景與從兄書曰。昔仕宦期四十左右作尙書郎。投簪高邊。今三十六方奉朝請。頭顱可知。遂掛冠神武門。上表辭歸。

讀書

我病久不出。滿牀攤我書。困仍枕書臥。醒卽味道腴。〔荀子〕味道之腴。上下千百載。纍然猶貫珠。禮樂纍如貫珠。夏商既相

因。秦漢漸不如。辭華日已勝。理義幾精麤。但要務真實。何心成蠹魚。古人有精力。常欲開廣塗。聖文尙埃滅。鉛槧寧復餘。〔西京雜記〕揚子雲常懷鉛提槧。訪殊古絕域。語以爲裨補。誰歟志氣銳。或者事功趨。數行史家紙。隨作黃土墟。吾誠不及

此。矯首嘆以歔。撥書寘牀上。所愧爲世儒。

飲酒

昔我不解飲。病來持一觥。一觥亦已醉。二豎敢相撓。〔左傳〕晉侯疾病。求醫於秦。秦伯使醫緩爲之。未至。公夢疾爲二豎。子曰。彼良醫也。懼傷我。焉逃之。其一曰。居育之上。膏之下。若我何。

忽然秋毫大。况乃泰華輕。豈其陰陽足。妄使龍虎爭。

龍虎解見問五臟

冰蠶冰爲山。

拾遺記東海回嶠山有冰蠶長七寸有鱗角以霜雪覆之則爲繭五色絲

織爲文錦入水不濡入火不爛

火鼠火烘城。

神異經南方有火山生不燼之木晝夜火然暴風不熾猛雨不滅火中有鼠重百斤毛長二尺餘細如絲恆在火中不用外而色白以水逐沃之即死取其毛織以作布用之若垢汗以火燒之即清潔

也。

一元本同氣。萬物卻異情。機關有大運。稟受通羣氓。轉移苟不定。顛倒尙何營。百年定幾時。愁賦空餘

聲。跼蹐起自鑒。面目吁可驚。

莊子子輿有病子祀往問之曲僂發背上有五管頤隱於臍肩高於頂句贅指天陰陽之氣有疹其心閒而無事跼蹐而鑑於井曰嗟乎夫造物者又將以予爲此拘拘也注病中勉行索照

其形也跼蹐纒纒同蹶行步欲危貌

試攀松樹枝。復攬芝草莖。但當盡此酒。不在學長生。

觀齊謝玄卿五洩山遇僊記寄題五洩山寺

宋濂五洩山水志南齊會稽人謝玄卿好呼吸延年之術年百歲精力不衰以採藥入山值一橫溪俯臨峻壁淙湍激溜上有石梁纒可

並是乃匍匐而渡稍聞鐘磬聲尋之而往忽遇仙女數人被服纖麗玄卿向前禮拜乃相視笑曰子非謝玄卿乎徐引之登峻嶺至一處豁然平敞玉堂朱閣女云此東華夫人所居也輿地志山峻而有五級故名五洩山水經注浙江合浦陽江東逕諸暨縣與洩溪合溪廣數丈中道有兩高山夾溪造雲壁立凡有三洩洩懸三十餘丈廣十丈中二洩不可至登山遠望乃得見之洩懸百餘丈水勢高急聲震水外上洩懸二百餘丈此是瀑布上人曰洩按志山在浙江紹興府諸暨縣

曩聞一奇士。深入五洩行。五洩何處所。長溪遶崇岡。微風生天籟。急瀑洒石梁。金磬負欲響。綺衣爛迴光。

綺妓開朱閣。靈仙坐玉堂。偃僂卽進謁。裴裒遽鳴璫。幸汝得大藥。〔杜甫詩〕苦乏大藥資。〔注〕丹砂黃金爲仙藥也。於茲赴玄鄉。玄鄉

且留宴。穢臟勿發狂。高座瓊輝施。碧幃琳華張。芝英雜桂腦。〔瑞應圖〕芝英者王者親延者養老有道則生。〔列仙傳〕桂父象林人常服桂皮葉龜腦和之。螭髓

間鳳漿。〔續仙傳〕謝玄卿遇神仙見素醜脂斑螭髓。玄洲白奈空洞靈瓜。又有瓊飴酒。彈八琅之璫。吹叢霄之笙。擊洞陰之磬。又作

膽。炎山夜日扶桑丹。構長河文藻。太真紅芝。九色鳳腦。有得食之。後天而老。此太上之所服。非衆仙之所寶也。回鸞轉鳳之舞。皆非世間之所有。〔漢武內傳〕王母謂帝曰。太上之藥。有風實雲子。玉津金漿。中華紫蜜。雲山朱蜜。冥陵麟

素寬。蜺同寬。〔說文〕屈虹太容揮四弦。千母彈八琅。羽旗素蜺。素寬。蜺同寬。〔傅毅賦〕體如游龍。神如

海嶽極渺茫。嗟予頗探勝。古路但縱橫。青童邈不見。〔魏夫人傳〕夫人名華存。字賢安。幼而好道。有四真人來降。太極

寶利屹相望。〔諸暨縣志〕洩溪源自富陽山峽。下有東西兩龍潭。東龍潭即飛瀑處。有響鐵嶺。過嶺即富陽界。嶺曲一峯。轉而

北兩山夾潭流。東行綿。山峯插烟霧。潭級跳冰霜。螻蝻小窟穴。蜉蝣亂飛揚。終然雲錦笈。雲錦笈。解見

千年或頃刻。萬里忽扶桑。扶桑。解見謝卿自獨往。矯首盍回翔。笑採金明草。浮顏

朱衣遠遊冠。帶玉珮及虎頭鞶囊。送鄭獻可

安可常。

〔廣異記〕謝玄卿至東嶽夫人所居有異草正黃色光可鑑日此金明草晉咸和九年東華青童賜魏夫人石精金光化形靈異〔白居易詩〕願浪金光草壽與天齊傾

問五臟

我問昔生我繫胎果何神上顧下負趾。

〔靈樞〕天圓地方人頭圓足方以應

五臟交錯陳胎經已不足乳湮復不勻。

〔唐元德秀傳〕自

乳兒子數日流涌灌音凍〔說文〕乳汁也

黔雷不我職。

〔前漢司馬相如傳〕左玄冥而右黔雷兮〔注〕黔雷天上造化神名

粉飾強爲人自宜多蓄害無以保命真元氣

日齒敗齒讀若紫古通皆與疵同

客邪作艱屯。

〔素問〕夫邪氣之客於身也以勝相加

彼何瓠而肥言貌勇若震。

〔埤雅〕長而瘦上曰瓠大腹短頸曰瓠

此何黴而瘡。

肢骨弱不伸。

〔楚辭〕頽微黎以摧敗〔注〕面黑也〔說文〕物中久雨青黑也

嗟夫賦命間豈不汝由因我誠不汝慊羸瘠胡不均五精被我

惱〔靈樞〕生之來謂之精此先天元生之精也食氣入胃散精於五臟此水穀日生之精也

訴我蒼蒼旻恍然欲我答天道汝當遵粵自汝有生躔次逆星辰

矧從汝生後殘賊逮汝身心兮本中居與汝相主賓。

〔素問〕心者君主之官也

汝何不祇敬狂役類風輪。

〔書〕日嚴祇敬六德〔楞嚴

經〕相待成搖故有風輪執持世界從妄見生山河大地諸有爲相

坎離漸違行。

〔參同契〕易謂坎離坎離者乾坤二用〔解〕乾坤爲天地之象坎離爲陰陽之象天地非陰陽無以成造化之功乾坤非坎離無以施造化之妙

龍虎

起戰噴。〔又〕偃月法鼎爐。白虎爲契樞。汞日爲流珠。青龍與之俱。〔箋〕坎形如偃月。水中出火。虎向水生。離性如汞。日火中生。水龍從火出。一元竟不守。散入萬微塵。惟脾制水穀。四體

承華津。看載噤汝口。〔禮〕左。殺右載。酒漿絕沾唇。司祿不上計。周禮地官天府。若祭天之司民司祿。而獻民數穀。數則受而藏之。〔注〕司祿文昌宮第六星也。昇汝藜藿

貧。〔家語〕子路曰。昔者由也。事二親之時。常食藜藿之實。爲親負米百里之外。親死之後。南遊於楚。累茵而坐。列鼎而食。顧欲食藜藿爲親負米。不可復得也。饑腸常九回。苦吻添荆榛。何天不汝錫。服

用無箱困。〔詩〕乃求千斯倉。乃求萬斯箱。〔又〕不稼不穡。胡取禾三百困兮。抑汝弗事天。寢食失鼎茵。天本不病汝。汝實使病臻。汝仍不耐病。虛

躁復善墾。內虧但外養。衆藥聚毒芬。〔帝王世紀〕黃帝使岐伯嘗味草木。典醫療疾。今經方本草之書咸出焉。金石草木蟲。亂投劇斧斲。〔六書略〕斧本

矛柄。因音借爲伶憐之務。五精恆不寧。乖沴積相熏。寒增熱或壯。頃刻異冰薪。當知汝五臟。獨不與汝親。何庸汝反詰。〔關

我似越秦。〔韓愈文〕越人視秦人之肥瘠。曾不加欣戚於其心。吁哉一臟損。五臟遽不醇。齒牙漸凋巖。〔隱音匿〕〔方書〕凡病人齒無色。舌上白。喜睡。或下利。此隱蟲食下部。以竹筒一頭。

納餘竅中。一頭燒艾。入雄黃熏之。立愈。膚肉還削斲。〔說文〕皮細起。汝徒職汝職。軀殼有君臣。天會盡賦汝。造化匪不仁。我聞五精

言。鑿鑿總有倫。曰人本之天。辟若泥在鈞。〔前漢董仲舒傳〕上之化下。下之從上。猶泥之在鈞。唯甄者之所爲。猶金之在鎔。唯冶者之所鑄。一時巧相值。萬物混無

垠。聖愚且同羸。羸與羸通。毛介與角麟。我惟有心肝。是號橫目民。橫目解見讀列子。心肝既屬我。榮衛盍網縑。靈樞人受氣於穀數

入於胃。以傳與肺。五藏六府皆以受氣。其清者爲榮。濁者爲衛。徧歷燥溼滑。備嘗酸鹹辛。虐汝重役汝。汝得我緇磷。蚯蚓尙無臟。靜夜解唱呻。蝴

蝶亦復然。翾飛媚陽春。彼寧心肝具。物性各有循。鏐納或土化。死生僅昏晨。自今我卽安。無往不寵珍。忍

令百歲後。銷變爲烟燐。博物志。鬪戰死亡處。人馬血積年化爲蠡。蠡著地及草木如露不可見。行人觸之者。體有光拂拭即分散無數。有細吒聲如蠶豆。靜坐良久。尋滅後其人忽忽如失魂。經日乃差。曲肱便莞

簞。詩下。莞上簞。就口取臆臙。儀禮。大夫公食禮。臙臙牛炙。注。羊曰臙。豕曰臙。皆香美之名。臙音鴉。五精速歸臟。大宅鑿靈氛。莊子。生猶且也。死猶寄也。人生特寄宅於且。死則夜

而歸。張毅喜犇走。熱中果如焚。單豹好容顏。饑虎特汝隣。莊子。田開之曰。聞之夫子。善養生者。如牧羊然。視其後者。而鞭之。威公曰。何謂也。田開之曰。魯有單豹者。岩居而水飲。不

與人共利。行年七十。而有嬰兒之色。不幸遇餓虎食之。有服毅者。高門懸簿。無不走也。行年四十。而內熱疾死。豹養於內。而虎傷於外。毅養於外。而疾攻於內。此二者者。皆不鞭其後者也。二者乃天道。我將何所云。作詩

示同黨。聊以博笑忻。

觀梁四公記

唐張說撰梁四公記。梁天監中有蜀圖。觀杰。戮麟。仇啓四公。謁武帝。帝見之甚悅。蜀音搆。圖音琛。去聲。觀音萬。入聲。杰音桀。戮音蜀。麟音淵。仇音掌。啓音起。皆姓名也。

奇士自古有。我聞梁四公。來從何處所。遂到大江東。舉朝無留難。當辰亦動容。曾襟狹海嶽。舌頰翻雷風。

發揮衆女國

〔文〕杰公曰西北萬里有女國以蛇爲夫男則爲蛇不噉人而穴處女爲臣妾官長而居室司徒左長史王筠難之曰書傳所載女國之東蠶崖之西狗國之南堯之別種一女爲君無夫蛇之說何也公曰以今所知女國有六北海之東

有女國天女下降爲君國中有男女西南板橋之西有女國其女悍而男恭女爲人君以貴男爲夫置男爲妾媵昆明東南絕徼之外有女國以猿爲夫生男類父而入山谷晝伏夜遊生女則巢居穴處南海東南有女國以鬼爲夫夫致飲食禽獸以養之勃律山之西有女國方百里山出合融之水女子浴之而有孕其女舉國無大并蛇六矣

充拓扶桑宮

〔又〕杰公云東至扶桑蠶長七尺圍七寸色如金四時不死五月八日嘔黃絲布於條枝而不爲繭脆如繩燒扶桑木灰汁煮之其絲堅韌四絲爲係足勝一鈞

俄而扶桑使使貢方物有黃絲

三百斤即扶桑蠶所吐之絲也

巨鶩產駿逸靈貂披蒙茸

〔又〕西有酒海其水味如酒北有漆海毛羽染之皆黑色西有乳海水白滑如乳三海間方七百里水土肥沃大鴨生駿馬有兔大如馬毛

長尺餘服之禦寒〔詩〕狐裘蒙茸

非歟沈淵鼎

解見李鐵槍本末

或者射日弓

〔淮南子〕堯時十日並出草木焦枯堯命羿仰射十日中其九鳥皆死墮羽翼

至人

倘可遇天地那能窮孔姬著禮法贏漢流橫縱淫辭一以詖幻術紛如蠶齊人頗志怪

〔莊子〕齊諧者志怪者也

晉室

餘談空

〔晉書〕何晏等祖述老莊立論以爲天地萬物皆以無爲不王衍等愛重之由是士大夫皆尙浮誕廢職業妻頽者崇有論以釋之

豈其羈狂獬

獬音季狂犬

猶謂得象龍

〔維摩經〕菩薩勢力譬

如龍象蹴踏非驢所堪〔大智度論〕水行龍力大陸行象力大故負荷大法者比之龍象

洞冥久不作

漢郭憲著洞冥記

神異將無同

漢東方朔著神異經

咄哉衆耳目千載多盲聾

小至日觀三山林靈致日經作

〔唐會要〕開元八年中書門下奏開元新格冬至日祀園丘遂用小至日視朝〔名勝志〕越王山烏石山九仙山即郡城中三山也郡名三山以此今福建福州府〔書〕敬

致日永星火〔注〕敬致周禮所謂冬夏致日也〔按〕周禮馮相氏掌十有二歲十有二月十有二辰十日二十有八星之位辨其序事以會天位冬夏致日春秋致月以辨四時之敘

昔在江左國閩人有林靈白衣召上殿口誦致日經

〔高士傳〕鄭仲虞不仕漢章帝自往終不肯曰陛下何惜不爲上世君令臣得爲偃息之民詔以祿終其身號爲白衣尙書

卦

爻遽可驗聲樂洞吾冥燮調久不職民物將何寧前朝百喪亂四鄙長羶腥辟王眞賢旒

〔公羊〕君若賢旒然旒通作瘤

兵覺劇建瓴

〔前漢高帝紀〕譬猶居高屋之上建瓴水也〔注〕言其向下之勢易也

蒼龜強占決福極矧兆形

〔書〕五福六極

一元不汝體萬蟄安能醒

自今發孔壁茲欲論漢廷

〔前漢儒林傳〕伏生故爲秦博士孝文時聞伏生治尙書欲召時年九十餘老不能行於是詔臧錯往受之秦時禁書伏生壁藏之兵起流亡求其書亡數十篇得二十九篇以教於齊魯之間由此學者

頗能言尙書

春秋紀苗害河洛推奧靈

〔易〕河出圖洛出書

日星本照耀川嶽恆流停犇騰狗吠野

〔柳宗元文〕僕往聞庸蜀之南恆雨少日日出則犬吠

播盪鯨翻溟

〔古今注〕鯨大者長千里小者數丈鼓浪成雷噴沫成雨〔孫綽賦〕長鯨嶽立以截浪

於世或間有匪天誰所令天功巧旋斡聖造務德刑勾

萌草菱甲

〔淮南子〕仲春之月天子命有司省囹圄去桎梏毋笞掠養幼小存孤獨以通勾萌〔禮〕季春之月生氣方盛陽氣發泄勾者畢出萌者盡達

鼯毳鳥羽翎

〔書〕仲秋鳥獸毛毳仲冬鳥獸毳毛〔注〕毛毳毛落更生

潤澤鮮好也鼯毛生與鼯細毛以自溫也鼯音元旄音先上聲

和風足氣運化景多年齡私疑彼聲錯

〔書〕錫貢聲錯

否者此鐘莛

〔前漢東方朔傳〕以莛撞鐘豈能發其音聲

徵冬卽花綻。羽夏因雪零。

〔史記〕徵爲事。羽爲物。〔注〕王肅曰。夏物盛。故事多。冬物聚。索隱曰。徵屬夏。夏時生長。萬物皆成形體。事下有體。故配事。絃用五十四絛。羽爲水。最清物之象。故爲物。絃用四十八絛。

陰陽

特揮霍。律呂暫聽熒。毋庸縱室瑁。

〔後漢律歷志〕候氣之法。爲室三重。戶閉塗墜。周密布緹。縱室中。以木爲案。每律各一。內痺外高。從其方位。加律其上。以葭莖灰抑律內端。按律而候之。其爲氣所動者。其灰散。人及

風所動者。其灰聚。殿中候用玉律十二。惟二至乃候。靈臺用竹律。

便叶茅塔莫。

〔帝王世紀〕魏時有草生庭。十五日以前。日生一葉。以後日落一葉。月小盡。則一葉厭而不落。名曰莫莢。觀之以知旬朔。

嗟子偶撫卷。默

坐但空廳。亞歲肇歷數。

〔宋書〕魏晉冬至日。受萬國及百寮稱賀。因小會。其儀亞於歲朝。故稱亞歲。

祥雲滿郊坰。羲和不可作。

〔書〕乃命羲和。〔注〕羲氏和氏。主歷象授時之官。

蠹簡猶餘青。

〔唐書〕韓休語子曰。楊將軍不數年。門列畫戟。爾輩獨守蠹簡。學組繡對偶。比楊將軍遠矣。〔按〕楊。謂楊素也。

董生尙爾溺。寔也吾鐫銘。

〔前漢書〕董仲舒治國。以春秋災異之變。推陰陽

所以錯行。

時儺

〔周禮〕夏官。方相氏。掌蒙熊皮。黃金四目。衣朱裳。執戈揚盾。帥百隸。而時儺。以索室。毆疫。

古人重儺疫。時俗事禴禳。

〔周禮〕天官。女祝。掌以時招梗。禴禳之事。以除疾殃。〔注〕招以召祥。梗以禦癘。禴以會福。禳以攘禍。禴音禴。禳音攘。平聲。

歲陽欲改律。輿鬼寢耀銜。

〔史記〕

輿鬼。鬼祠事。中白者爲質。〔注〕中星爲積屍。一名質。主喪死祠祀。

厲神乃恣肆。魃虺并猖狂。

〔詩〕旱魃爲虐。〔神異經〕南方有人。長二三尺。袒身。日在頂上。走行如風。名魃。所見之國大旱。一名旱母。遇者得之。投溷中卽死。

〔詩〕爲鬼爲蜮〔說文〕

蜮短狐也。以氣射害人。

〔後漢禮儀志〕先臘一日大儺。謂之逐疫。選中黃門子弟年十歲以上。十二以下。百二十人爲儺子。皆赤幘皂製。執大鼗。方相氏黃金四目。蒙熊皮。玄衣朱裳。執戈揚盾。十二獸有衣。

毛角。中黃門行之。穴從僕射將之。以逐惡鬼於禁中。〔東京賦〕爾乃卒歲大儺。毆除羣癘。方相秉鉞。巫覡操茱。儺子萬童。丹首玄製。

巫覡陳禁方。

〔周禮春官註疏〕男陽有兩稱。曰巫曰覡。女陰不變。直名巫。無覡稱。一說男曰覡。女曰巫。〔前漢

郊祀志〕海上燕齊之間。莫不擻望。而自言有禁方。能神僊矣。

虎頭眩金目。玄製炳赤裳。桃弧毆菑沴。豆礫斃揮剛。八靈悉震懼。六合高褰張。清

寧信不害。動靜維吾裳。世途頗險整。

〔後漢書〕我長房能療衆病。鞭笞百鬼。汝南歲歲有魘。僊垂屣也。

人魅更跳梁。

〔後漢書〕我長房能療衆病。鞭笞百鬼。汝南歲歲有魘。僊垂屣也。作太守章服。詣府門。椎鼓郡中。患之時。魘適來。長房呵云。便

於中庭。正汝故形。即成老醜。彪同魅。

狐鼠戴介幘。夔魃竊香囊。

〔應璩詩〕城狐不可掘。社鼠不可熏。〔列異傳〕中山王周南。正始中。爲襄邑長。有鼠衣冠出廳事。語曰。爾某日常死。周南不應。至期復出。冠幘絳衣。語曰。爾日中當

死。復不應。入復更出。日適中。鼠曰。周南。汝不應死。我復何道。遂顛蹶而死。即失衣冠。視如常鼠。〔前漢揚雄傳〕捐夔魃而扶獠狂。〔注〕木石之怪曰夔。夔神如龍。有角人面。耗鬼也。〔清宮故事〕習鑿齒從桓溫出獵。時大雪於江陵城西。草上有氣出。伺一物射之。應絃死。

乃老雄狐。足上帶絳繒香囊。

煎熬到膏髓。擊剝成瘡瘍。乘風作國蠹。抵隙爲民殃。自從九鼎沒。誰使百怪藏。

〔左傳〕昔夏之方有德也。遠

方圖物貢金。九牧鑄鼎象物。百物而爲之備。使民知神。〔前漢書〕宣帝讓趙充國曰。將軍士寒。手足

疥寒服褫帛。饑窶食閉糧。

〔前漢書〕宣帝讓趙充國曰。將軍士寒。手足疥寒。服褫帛。饑窶。食閉糧。〔注〕褫。奪也。疥。音竹

寒。創也。褫。音恥。〔說文〕奪衣也。閉。音卞。擊也。

蘆花蔽汝體。橡栗饑吾腸。地膚竟捲去。天孽俱凋傷。神荼欲呀啖。蟠木蔓不長。

〔東都賦〕守以蠶蟲。

神荼副焉。〔注〕東海度朔山二神。〔括地圖〕桃都山有大桃樹盤屈三千里。上有金雞。日照則鳴。下有二神。一名鬱。一名壘。並執索。以何不祥之鬼。得則殺。蒙俱強顏貌。枯竹無耿光。〔荀子〕仲尼面如蒙俱。〔注〕方相也。

其首蒙。聖言謂近戲。五祀徒驚惶。周禮春官大宗伯。以血祭祭社。稷五穀。〔注〕五祀五色之帝。惜哉六典廢。〔周禮〕天官太宰之職。掌建邦之六典。以佐王治邦國。曰治典。教典。禮典。政典。刑典。事典。

述此時難章。

和陶淵明詠貧士七首

長吟望天地。宛轉無所依。豈不有達者。窮櫛少光輝。此心未能信。何力求奮飛。生雖百夫特。〔詩〕惟此奄息百夫之特。

死共一貉歸。〔前漢楊惲傳〕秦時但任小臣。竟以滅亡。令親任大臣。即至今耳。古與今猶一丘之貉。〔注〕言其同類也。行尋靈芝草。不救歲晚饑。〔高士傳〕四皓采芝歌。擘擘紫芝可以療饑。去矣

甌石竭。〔前漢蒯通傳〕守儋石之祿。〔注〕齊人名小甌爲甌。受二斛。又揚雄傳〕家無儋石之儲。儋與甌通。焉知溝壑悲。

二

大道忽已喪。翻然念羲軒。今我去之久。十年躬灌園。〔高士傳〕楚王聞於陵仲子之賢。欲以爲相。仲子之妻曰。夫子左琴右書。樂在其中矣。結駟連騎。所安不過容膝。食方丈於前。所甘不過一肉。今以容膝之安。一肉之味。而懷楚國之憂。亂世多害。恐先生不保命也。於是謝使者。相與逃去。爲人灌園。

存者耿日月。餘如飄風烟。身名易汨沒。文字勤磨研。磨研何

所事先覺有遺言。楊朱談力命。列子亦稱賢。力命解見病起讀列子。

三

山日淒以夕。起彈綠綺琴。〔傳〕玄琴賦序。蔡邕有綠綺琴。天下名器也。

清哉積雪曲。自昔無知音。〔宋〕王諷賦。臣常行僕饑馬疲。正值主人門開。主人出。獨有主人女在。欲置臣堂上。太

高堂下太卑。乃為蘭房奧室。止臣其中。中有鳴琴焉。臣援琴而鼓之。為秋竹積雪之曲。

世間紛且擾。貧與憊相尋。春江變作酒。野鳥令人斟。

〔李白詩〕此江若變作春酒。壘麴使築糟丘。

臺。歐陽修啼鳥詩。獨有花上提壺。盧勸我沽酒花間傾。

敝衣時所棄。華駟衆爭欽。不有丈夫氣。徒為行路心。

四

上天無停曜。日月會降婁。〔爾雅〕降婁。奎婁也。〔注〕奎為溝瀆。故名降。

山林少過轍。二鳥鳴相酬。亦有五采鳳。飛來為岐周。〔山海經〕丹

穴之山。有鳥五色而文。名曰鳳。首文曰德。翼文曰順。背文曰義。膺文曰仁。腹文曰信。〔國語〕周之興也。鸞鷟鳴於岐山。〔注〕鸞鷟。鳳雛也。

姬公世不作。白屋多懷憂。

〔家語〕周公居冢宰之尊。制天下之政。而伏下白屋之

士。〔前漢〕蕭望之傳。今士見者。皆先露索挾持。恐非周公躬吐握之禮。致白屋之意。〔注〕白屋。白蓋之屋。以茅覆之。賤人所居。

逢時倘一用。華士非吾儔。函谷空逐客。

函谷。解見黑海青歌。〔通鑑〕秦始

皇十年。秦宗室大臣議曰。諸侯人來仕者。皆為其主遊聞耳。請一切逐之。於是大索逐客。

傅巖乃旁求。

書恭默思道。夢帝賚子良弼。其代子言。乃奔厥象。俾以形旁求於天下。說築傅巖之野。惟肖。

五

人生自沈靜。豈得非意干。宜哉揚執戟。三世不徙官。

〔前漢書〕揚雄當成哀平間。王莽董賢皆爲三公。權傾人主。所薦莫不拔擢。而雄三世不徙官。

窮冬無完褐。

盡日止一餐。美芹終不獻。晨曝尙餘寒。

二語解見病起讀列子。

手種老松樹。蒼然霜雪顏。政爾有佳思。清風吾掩關。

六

舉世尙馳驚。飄如風中蓬。

〔埤雅〕蓬蒿屬。草之不理者也。其葉散生。遇風輒拔。說苑曰。秋蓬惡於根本。而美於枝葉。秋風一起。根且拔矣。是以君子務本也。

上書爭銜鬻。言語自稱工。

誰歟持清節。乃見楚兩龔。

〔前漢書〕兩龔皆楚人也。勝字君賓。舍字君倩。二人相友。並著名節。故世謂之楚兩龔。哀帝時。拜舍爲光祿大夫。數賜告。終不肯起。王莽居攝中。卒。莽既篡國。拜勝爲講學祭酒。稱疾不應。後二年。莽復遣使迎勝。勝稱疾篤。不飲食死。

遺使迎勝。勝稱疾篤。不飲食死。

黃塵隨手掃。白月與心同。

〔傳燈錄〕守清禪師有僧問。末後一句。師曰。塵中人白老。天際月常明。

有榮方覺辱。無屈豈求通。誓追遼海

鶴。插翅以相從。

〔續搜神記〕遼東城門華表柱。忽有白鶴來集。人或欲射之。鶴於空中歌曰。有鳥有鳥。鳥丁令威。去家千歲今來歸。城郭如故人民非。何不學仙去。空伴冢壘壘。遂上冲天。

七

少小負奇志。常思觀九州。垂成捨冠冕。去結巢許儔。

〔高士傳〕巢父。堯時隱人。年老以樹爲巢。故號巢父。堯讓位於許由。由以告巢父。巢父責之曰。汝何不隱。汝形藏汝光。非吾友也。乃過

清泠之水洗其耳。樊仲父牽牛飲之。見
洗耳乃驅牛還。恥令牛飲其下流也。
朝餐秋柏實。〔楚詞〕山中入兮芳杜若。飲泉石兮飯松
柏。〔列仙傳〕廣成子食柏實。商洛更生。
夕漱醴泉流。〔禮地出醴泉〕史
記〕崑崙有醴泉。

長貧士之常。獨往非我憂。〔宋書隱逸傳〕夫獨
往之人。皆稟偏介之性。
求馬但得骨。尚能千金酬。〔戰國策〕燕昭王使涓人齎千金市千
里馬於絕域。至而死。用五百金市其骨而

還。天下聞之。以王為好馬。於
是未期年。有獻千里馬者三。
日望芳草長。毋煩怨靈修。〔楚詞〕余既不難夫離別兮。傷靈修之數化。〔注〕
靈修言其有明智而善修飾。蓋婦悅其夫之稱。

方景賢回問吳中水滂甚戲效方子清儂言

客來自吳土。示我吳儂言。〔六書故〕吳人謂人儂。即人
聲之轉。儂音農。俗謂我為儂。
吳儂歲苦水。謂是太湖翻。太湖四萬頃。三江下流洩。

〔書〕三江既入。震澤底定。〔注〕震澤。太湖也。即具區。三江。婁
江。東江。中江也。〔張勃吳錄〕太湖。周行五百里。三萬六千頃。
疏淪久無人。淤汙與海絕。東風一鼓盪。暴雷如頽城。屋

扉蚌蛤上。畦吠魚龍爭。嘉種不得入。〔詩〕誕降嘉種。惟
秬。惟秠。惟糜。惟芑。
種亦悉爛死。民事何所成。食天俱在水。〔前漢酈食
其傳〕王者

以民為天。民
以食為天。
富豪僅藏蓄。官府更急糧。貧窶徒藉餒。藉即
艱字。
妻子易徙鄉。散行向淮壩。〔書〕導淮自桐柏。東會于
泗。沂。東入于海。壩音賴。平聲。

〔史記〕故盡河壩。
〔注〕謂緣河邊地也。
隨處拾稻粟。〔晉書〕夏統探
稻求食。星行夜歸。
雖然遠鄉土。恐可完骨肉。東吳本富盛。數歲偶凋殘。世非欲

繭絲。〔左傳〕晉趙簡子使尹鐸爲晉陽請曰以爲繭絲乎。抑爲保障乎曰保障哉。〔按〕繭絲賦民以自益也。

官曷任虎冠。

〔前漢高五王傳〕太尉勃等盡誅諸呂大臣。議欲立齊王皆曰母家駟鈞惡戾虎而冠者也。

國家

自充實財賦有淵藪給復當我及安寧到雞狗何人講平準。

平準解見讀漢武內傳。

何人議河渠。

〔史記〕天子自臨決河塞瓠子築宮其上名曰宣

房宮而道河北行二渠復禹舊迹而梁楚之地復寧無水災自是之後用事者爭言水利朔方西河河西酒泉皆引河及川谷以溉田而

關中輔渠蠶軹引堵水汝南九江引淮東海引鉅定太山下引汶水皆穿渠爲溉田各萬餘頃侖小渠披山通道者不可勝言然其著者

在宣

房荒政固有典。

〔周禮〕大司徒以荒政十有二聚萬民。一曰散利。二曰薄征。三曰緩刑。四曰弛力。五曰舍禁。六曰去幾。七曰殺哀。九曰蕃樂。十曰多婚。十一曰索鬼神。十二曰除盜賊。

水利復有書。

〔事紀

原〕水利沿革曰井田廢溝澮湮水利所以作也。通典曰魏文侯使李悝作水利此水利之始也。

龍蛇方未岐鴻鴈尙在澤。

〔左傳〕深山大澤實生龍蛇。〔詩〕鴻鴈于飛集于中澤。

縱令可還定何

計免溝壑何時水幸退我得刈稻禾水退泥盡出草屨更撈蝦。

〔炙穀子〕夏商以草爲屨。〔王維詩〕不如儂家任挑達草屨撈蝦富春渚。

我思告朝

廷來歲不可待毋庸水爭地便放江達海客今聽我言我欲解儂憂所爭但一水民氣庶今瘳自從唐季

來吳越無兵械。

〔蘇軾表忠觀碑〕三世四王與五代相終始天下大亂豪傑蜂起方是時以數州之地盜名字者不可勝數既覆其族延及無辜罔有子遺而吳越地方千里帶甲十萬鑄山煮海象犀珠玉之富甲於天下然終不失臣節貢獻相

望於道是以其民至於老死不識兵革

四時嬉遊歌舞之聲相聞至於今不廢

至於宋南徙淮蜀此都會大田連阡陌居第擬侯王錦衣照車騎玉食溢

酒漿。居然甲東南。遂以侈濟侈。培克自此多。

〔詩〕會
是培克。

凋瘵亦以起。天寧不汝恤。有此水潦淫。要令沃土

瘠。民得生善心。

〔國語〕敬姜教子曰。昔聖王之處民也。擇瘠土而處之。勞其民而用之。故長王天下。夫民勞則思。思則善心生。逸則淫。淫則忘善。忘善則惡心生。沃土之民不材。淫也。瘠土之民莫不向義。勞也。

豈惟生善心。

且用戒培克。采詩觀民風。願踵太史職。

〔禮〕命太史
陳詩以觀民風。

蜂分

〔陰陽變化錄〕蜂有將蜂。相蜂。蜂王。王大如小指。王之所在。蜂不敢螫。無王則羣死。遇有二王即分。分之時。老王遜位而

出。所分之蜂。均挈其半。從王而出者。飛止必環衛王。皆有隊伍行列。每日兩衙。應潮上下。化書言蜂有君臣之禮是也。〔又〕羣蜂出採百花。釀上粉。置兩跨歸。釀其黃色細腰。腰僅相屬。不能為蜜。曰釋蜂。淮南子以為貞蟲。〔陸佃曰〕細腰蜂作房在樹及屋簷。房皆倒約。懸處必以窠。房中各有子如粟。稍長如蛹。能動。遂時飼之。久則封之。生裂而出。復孕卵。則增房。房數百層。

子多
至石。

白日照我牖。羣蜂亂飛颺。胡然立國邑。意各擅侯王。細腰峙窟宅。修股負糗糧。搜尋百花叢。吮飲靈露漿。

長雄據要劇。孫子孕蕃昌。班茅寧建社。

〔禹貢註〕諸侯受命于周。乃建大社于國中。將建諸侯。靈取其方面之土。苞以黃土。苴以白茅。以為土封。

媿隊欲殊強。

〔唐書〕
康傳圭發

土團赴代州。至城北。媿隊不發。媿音錯。謹貌。又整也。

秦年賤親戚。彊壯邊分張。

〔通鑑〕始皇二十六年。丞相王綰等請立諸子為王。廷尉李斯曰。周封子弟。同姓甚衆。然後屬疏遠。相攻擊如仇讎。天子弗能禁。今海內一統。皆為郡

縣諸子功臣以公賦稅重賞賜之甚足易制天下無異意則安寧之術也置諸侯不便始皇從之分天下爲三十六郡〔又〕博士淳子越曰殷周之王千餘歲封子弟功臣自爲枝輔今陛下有四海而子弟爲匹夫卒有田常六卿之臣何以相救始皇下其議李斯言五帝不相復三代不相襲越言乃三代之事何足法也〔又〕二世元年殺諸公子十二人

唐朝富丁口寬狹或徙鄉

〔又〕高祖武德七年定均田租庸調法丁中之民給田一頃篤疾減十之六寡妻減七皆以什之二爲世業八爲

口分每丁歲入租粟二石調隨土地所宜綾絹絲布歲役二旬不役則收其庸日三尺有事而加役者旬五日免其調三旬租調俱免水旱蟲霜爲災什損四以上免租損六以上免調損七以上課役俱免

物生豈不微翾擾迺其常

〔荀子〕喜則輕而翾〔注〕輕薄巧慧也翾音喧

龍伯數千丈巨軀果何藏

〔列子〕龍伯之國〔河圖玉版〕崑崙北九萬里龍伯國人長三十丈萬八

千歲鵠人僅七寸么麼具冠裳

〔述異記〕西海外有鵠國人長七寸自然有禮好經綸拜跪日行千里百獸不犯惟畏海鵠鵠見必吞之在鵠腹中不死鵠一舉亦千里

肖翹本殊異性命可

比方

〔莊子〕上忤日月之明下燦山川之精中墮四時之施倘粟之蟲肖翹之物莫不失其性〔注〕倘粟微息而動之物蝸牛之屬也肖翹輕飛之物蛾蝶之屬也言乖戾之氣感召如此

中心苦見役外患復難防當

時一割裂在處幾披猖

〔左傳〕成季使以君命命偕叔待于鍼巫氏使鍼季酖之酖音鳩鳩鳥羽有毒以毒酒飲之則死

突奧發刀槍

突奧解見送鄭獻司

般雷虎鬪齒嚙霜紛紜彼楚漢

〔通鑑〕項羽自立爲西楚霸王王梁楚地九郡都彭城立沛公爲漢王王巴蜀漢中都南鄭羽又與漢約中分天下鴻溝以西爲漢以東爲楚按彭城今徐州南鄉今屬漢中府鴻溝在開

封府河陰縣

彷彿此燕涼

〔按〕十六國春秋燕慕容廆傳四世滅於秦苻堅苻堅滅於西燕慕容冲冲傳三世滅於後燕慕容重垂傳二世滅於魏慕容熙熙又弒於北燕高雲南燕慕容德傳二世滅於宋主劉裕前涼張軌傳九世滅於秦西涼

李嵩傳三世滅於北涼沮渠蒙遜南涼秃髮烏
孤傳四世滅於後涼呂光傳四世滅於後秦 螻蛄尙有知槐擅互相攘〔南柯記〕東平淳于棼所居宅南有大古槐一株夢

國入門升殿見王王以女金枝公主妻之出爲南柯郡太守時有檀羅國者來伐是郡王命棼練將訓師以征之將兵三萬拒賊於瑤臺
城敗績後棼寤驚駭尋槐下穴宛如夢中所經入處遂以斤斧斷擁腫折查枿尋穴究源有大穴洞然明朗積土壤爲城郭之狀有蟻數
斛聚其中中有二大蟻長可三寸左右大蟻數十輔之是其王矣即槐安國都也又窮一穴亦有土城羣蟻處其
中即南柯郡也因念檀羅征伐事再訪跡於外宅東有大檀樹一枝旁有小穴亦有羣蟻隱聚其中即檀羅國也 螺贏祝它蟲 齧泥

穴枯桑〔詩〕螟蛉有子螺贏負之〔箋〕螟蛉桑蟲蒲盧取羣蟲子負持去 天機久已洩世網孰爲綱委形混衆萬觀
胸傭養之以成己子爾雅螺贏蒲盧〔注〕細腰蜂也螺贏音果羅

物詎能詳歲寒野草死寒菊弄餘芳羣蜂我爾恤矯首慨以慷

題天台山張節婦卷

古人重首教夫婦係民彝自從初御輪〔禮〕壻奠雁降出御婦車而 禮有親結褵〔詩〕親結其 百年主家室
壻受綏御輪之周先倏于門外 褵九十其儀

中饋務唱隨〔詩〕之子于歸宜其家 溘先苟不待從一幸無虧〔楚詞〕寧溘死以流亡兮溘音堪入聲奄忽也〔禮〕
室〔易〕無攸遂在中饋 婦人無專制之義有三從之德在家從父適人從夫夫死

從子世途日趨下貞節誰肯持於焉見菅蒯〔左傳〕雖有 早歲哭總帷〔魏略〕太祖臨終遺令施總帳于臺上〔陸
絲麻不遺菅蒯 機弔魏帝文〕悼總帳之冥漠〔謝玄暉詩〕

纏帷飄井榦〔按〕纏 茶毒守几席〔詩〕寧 惡筭毀容儀〔禮〕女子十五而笄〔檀弓註疏〕吉 且夕執醕奠春秋
細布而疏爲靈帳裙 爲茶毒 笄長尺二寸齊衰笄長尺惡筭或用櫛

動悲思。病姑坐堂上。躬養我卮匱。稚孩倚床側。慈訓我書詩。奉老當以終。撫孤敢如遺。白頭誓不爽。黃土詎有知。我生何惻惻。我死迺吾期。惜哉歡娛際。捐我少艾時。鸞鏡塵已蝕。〔范泰鸞鳥詩序〕關賓王欲鸞鳥鳴。夫人曰。何不懸鏡照之。鸞鳥睹影而鳴。

一奮而絕。〔楊炯詩〕風。斂金作縷。鸞鏡玉爲臺。

錦衾淚還縈。

〔詩〕角枕粲兮。錦衾爛兮。余美亡此。誰與獨處。

史管獨不焯。

〔詩〕形管有焯。

春裳忍爲私。因之念三季。似

此實女師。谷風或棄背。

〔詩序〕谷風。刺夫婦失道也。

行露且陵欺。

〔詩序〕行露。召伯聽訟也。

詠歌可勸諷。開卷益嗟咨。從來桑濮地。不

廢柏舟辭。

〔詩序〕桑中刺奔也。〔禮〕桑間濮上之。音亡國之音也。〔詩序〕柏舟共姜自誓也。

小園見園丁縛花

我嗟衆草木。高出陵雲端。叢生或滿地。品彙可不完。山園我栽蒔。作此小屈蟠。龍頭何其蠢。鳳翼乃若干。

胡然贊化育。任意騁雕剜。勾萌欲旁達。

勾萌解見致日經。

節目終液構。

〔莊子〕匠石曰。散木也。以爲器則速毀。以爲門戶則液構。〔注〕液津液也。構謂脂出。構然。

縈

迴挾煙彩。刻剝獻雨癩。立身旣不直。生理寔凋殘。春陽彼一時。花發黃白丹。歌謳雜舞吹。酒炙飫楛柮。歲

晚忽焉至。北風吹汝寒。皮膚早蝟蝕。

〔爾雅〕蝟。蝟蝟。〔注〕木中蠶音曷。

骨髓思枯乾。聖人治天下。萬國無不譴。視民本如傷。

動植總相安。刑名威雪雹。劍戟血波瀾。廟堂苟失策。閭里轉窮殫。彼哉彼園子。此況儻爾冠。人生但心勦。

〔孟子題辭〕心勦形瘵。
〔說文〕勞也。焦上聲。

若處得體胖。我方即移汝。前有蒼蘚壇。世非郭橐馳。何以垂鑒觀。

〔柳宗元種樹郭橐馳傳〕郭橐馳不知始何

名。病僂。隆然伏行。有類橐馳者。故鄉人號之。橐馳。業種樹。或移徙無不活。且碩茂。蚤實。以蕃。有問之。對曰。橐馳。非能使木壽。且孳也。能順木之天。以致其性焉耳。

送鄭浚常北游京師

〔原注〕浚常。浦江人。其家自中素處士。綺至今九世同居。人以一家三代稱焉。

治世日少事。朝廷正求賢。信哉男兒志。觀此萬里天。一行本不易。當路即翩翩。親朋送糗糲。廉從戒舟船。

〔唐封常清傳〕奏僂從三十人。僂音欠。說文。從也。

自裁適時服。年貌逞餘妍。起吟俠游傳。賓客務相先。

〔史記游俠傳序〕今游俠其行雖不軌于正義。然其言必信。其行必果。已諾必誠。

不愛其軀。赴士之困厄。既已死生存亡矣。而不矜其能。羞伐其德。蓋亦有足多者焉。〔前漢游俠傳序〕周室既衰。陵夷至于戰國。列國公子。魏有信陵。趙有平原。齊有孟嘗。楚有春申。皆藉王公之勢。競為游俠。皆以取重諸侯。顯名天下。搃擊而游談者。以四豪為稱首。〔又〕鄭解之倫。以西夫之細。操生殺之權。其罪已不容于誅矣。觀其溫良泛愛。振窮周急。謙退不伐。亦皆有絕異之資。惜乎不入于道德。苟放縱于末流。殺身亡宗。非不幸也。〔又〕王莽時。諸公之間。陳邇為雄。閭里之俠。原涉為魁。功名抗雲表。氣槩

貫斗躔。心馳上谷塞。

〔通鑑〕天下冠帶之國七。而秦、蜀、燕、邊于夷狄。諸戎亦各分散。自有君長。莫能相一。後秦滅義渠。始于隴西。北地。上郡。築長城以拒胡。趙破林胡。構煩。築長城。自代並陰山下。至高闕為塞。置雲中。雁門。代郡。燕。破東胡。自

造陽至襄平。置上谷。漁陽。右北平。遼東郡。〔按〕志。今順天保定河間等

望極黃河壩。

黃河。解見送宣彥昭。

向來全燕地。碣石遠相連。

碣石。解見觀秦丞相碑。

只今帝王都。闔

闔儼在前。嵯峨廣寒殿。

〔禁扁〕萬歲山下曰仁智山上曰廣寒俱元殿名。

鸞驪神嶽嶺。

鸞音葛。驪音孽。

金陂水流雪。翠嶼花滿烟。楊柳十二街。

十二街解見

二月六日篇。人家競鞦韆。

解見鞦韆行。

騏驥八尺龍。

〔周禮〕馬八尺以上為龍。七尺以上為騶。六尺以上為馬。

官曹耀鞍韉。熒煌許霍勢。

〔前漢外戚傳〕孝宣皇

后父許廣封平恩侯。位特進。廣漢弟舜為博望侯。延壽為樂成侯。宣帝復以延壽為大司馬車騎將軍輔政。元帝復封延壽子嘉為平恩侯。亦為大司馬車騎將軍。〔又霍光傳〕武帝遺詔封光為博陸侯。昭帝子光子禹。及兄孫雲皆中郎將。雲弟山奉車都尉侍中。昆弟諸壻外孫皆奉朝請。為諸曹大夫騎都尉侍中。光病篤。宣帝拜光子禹為右將軍。又封雲為冠軍侯。禹嗣為博陸侯。燦爛春嘗權。見上。傾身漸風動。炙手遽電燧。杜甫詩。炙手勢可熱。奏書善

銜鬻希寵巧攀緣。匪文說禮律。伊武學兵鋌。牛毛豈不多。麟角獨爾專。

二語解見胡仲申至。

屠狗或隱市。

〔史記〕荆軻之燕愛燕之狗

屠及善擊筑者高漸離。荆軻嗜酒。日與狗屠及高漸離飲于燕市。酒酣以往。高漸離擊筑。荆軻和而歌于市中。相樂也。已而相泣。旁若無人者。燕有田光先生亦善待之。知其非庸人也。

探驪盍沈淵。

〔莊子〕夫千金之珠必在九重之淵。驪龍頷下能

得之者。遭其睡也。

世方重孝義。瓜瓞况綿延。

〔詩〕綿綿瓜瓞。民之初生。

家規既建立。門榜復旌蠲。族居且百口。僮指亦及千。

詳見送鄭

貞。跡茲乃政令。得不貴貂蟬。

〔前漢劉向疏〕王氏一姓。乘朱輪華轂者二十三人。青紫貂蟬。充盈輦內。魚鱗左右。

吾知魯儒生。文物但炳然。美哉萬石君。惇

樸最可傳。

〔又萬石君傳〕石奮無文學。恭謹無與比。孝文時。為大中大夫。孝景即位。以奮為九卿。奮長子建。次甲。次乙。次慶。皆以馴行孝謹。官至二千石。景帝曰。石君及四子皆二千石。人臣尊寵。乃舉集其門。凡號奮為萬石君。〔又〕萬石君以孝謹聞乎

郡國雖齊魯諸儒質〔又終軍傳〕軍從濟南當詣博士步入關關吏予軍繻軍問以此何爲吏曰爲復傳還當以合符軍曰大丈夫西游終不得復傳還軍繻而去軍爲謁者使行郡國建節東出關關吏識之曰此行皆自以爲不及也須令便繻乘

使者迺前〔五代史〕管彞維翰初舉進士主司以彞與同有勸不必舉進士者維翰著日出扶桑賦又著鏡視示人口視徹則改卒舉進士及第棄繻生也勿直待硯穿〔莊子〕變憐蚊蚊憐蛇歸乘使者傳踏卻別時筵

嗟予日以倦一夕三四遷病餘兩足弱無異曬憐蚊〔莊子〕變憐蚊蚊憐蛇治田徒欲疏〔前漢高五王傳〕

得職請爲太后言耕田太后曰試爲我言田意〔書〕肇牽車牛遠服賈服賈特肇牽里閭不過此磨滅疇能鑄

同喻國輔題人溫日觀蒲萄〔遂昌山樵雜錄〕宋僧溫日觀居葛嶺瑪瑙寺人但知其畫蒲萄不知其善書也今世蒲萄多贗其枝葉鬚梗皆草書法也

佛者本西域〔周書異記〕周昭王二十四年四月八日山川震動有五色光入貫太微太史蘇山奏曰有大聖人生於西方一千年外聲教及此此即佛生之時也〔後漢書〕漢明帝夜夢金人長丈餘身有日光飛空而至以問羣臣有通事舍人傅毅

對曰臣聞西域有神其名曰佛其形長丈六尺而黃金色輕舉能飛陛下之夢得毋是乎蒲萄亦來西〔前漢書〕蒲萄出大宛張奈何此善畫無或渠所攜我曾考

其故初與漢使偕〔後涼錄〕龜茲國胡人奢侈家有至千斛蒲萄漢使取實來種於離宮別館之傍上林乃有館上林解見黑海青葱嶺何須梯〔前漢書〕西域以孝武時始通東則接漢隄

以玉門關西則限以葱嶺其南山東出金城與漢南山屬焉〔注〕葱嶺其山高大上悉生葱故名天時自不同地氣忽以迷結子且磊磊懸藤更高低先幾日已露

薄德不及稽，終令白氈像。遠從雙狡狎。〔南史〕高昌國有草，其實如繭，繭中絲如細續，名白氈子。國人取織爲布，甚軟白。〔大藏一覽〕後漢明帝遣博士王遵等十八人往西域迎佛法，至月氏國，遇二梵

僧帶白氈，畫釋迦像，髣髴音牒，或省作疊。〔按〕楞嚴經言白疊巾，即此布所爲。〔杜市詩〕光明白氈巾。〔爾雅〕狡狎，食虎豹。蘇軾詩：西方真人誰所見，衣被七寶從雙狡。狡音酸，狎音倪。

從茲故國木，伴爾禪家栖。幽心

恍有得，爛墨研爲泥。宜哉一揮灑，遑若無町畦。依稀可少辨，變作天投蜺。

〔後漢楊賜傳〕春秋識曰：天投蜺，天下怨海內亂。〔注〕蜺者，斗之亂精也。

失度故 萬古空湖色，南山竟朝隰。〔詩〕南山朝隰。

畫工尙逸品，遊戲徒筌蹄。

〔莊子〕筌者，所以在魚，得魚而忘筌，蹄者，所以在兔，得兔而忘蹄。〔注〕筌，取魚竹器，蹄，兔置也。

豈伊吾無人，何往非老倪。豈伊吾無物，桃李總成蹊。

〔前漢李廣傳贊〕謠曰：桃李不言，下自成蹊。

此皆外所產，敢與中州齊。爲爾撫

此卷，長歌欲驚嘶。

觀莆田劉公掖垣日記後題

炎正昔中潰，王者遂南服。四明有史氏，三世秉國軸。

〔鄞縣志〕四明山，高萬八千丈，周圍八百里，有七十二峯，今屬浙江寧波府。〔按〕宋史：孝宗隆興元年，侍御史王十朋論史浩懷奸

誤國等八罪，罷知紹興府。寧宗嘉定十七年，史彌遠矯詔立王子貴誠，更名昀，是爲理宗。彌遠獨相。凡二十六年，封會稽郡王。理宗嘉熙三年，以史嵩之爲右丞相，兼樞密使，督視兩淮四川京湖軍馬。

人君恩稠疊，祖父勢熏熇。傾

家幾攀附，快意卽誅戮。幸茲遭大變，何苦圖起復。

〔宋史〕理宗淳祐四年，史嵩之以父病請告，許之。史彌遠卒，詔史嵩之起復右丞相兼樞密使，中外莫敢言。於是太學生黃體伯等百四十

四人武學生翁日善等六十七人京學生劉時舉等九十四人宗學生與寰等三十四人叩關上書不報諸生乃榜於太學齋廊曰丞相朝入諸生夕出諸生夕出丞相朝入時議欲逐遊士諸生聞之作捲堂文辭先聖以出將作監徐元杰司諫劉漢弼俱上言願聽嵩之終喪帝

雖然承天寵詩何天之寵得不覆公餗易鼎折足覆公餗諫官奏疏上胄子伏關哭所當終衰絰喪服記衰長六寸博四寸檀弓

經也者實也注麻在首在要皆曰經分言之則弗許觀黃屋黃屋解見觀秦丞相碑時惟我劉公草制方僂宿掖垣備日記

宸聽煩再瀆宋史理宗淳祐四年以劉漢弼為左司諫時史嵩之久擅國柄帝亦患苦之漢弼首贊帝曰拔去陰邪庶可轉危為安否則是非不兩立邪正不並進陛下雖欲收召善類不可得矣帝嘉納之因太學生上書又上言願聽嵩之終喪亟選

賢臣以定相位隋書薛道衡中書省有盤石常據以草制事實宋翰林為內制中書為外制見聞錄御史舊例初入臺陪直比五日衆官皆出此人獨留曰豹直唐志僂直一作豹直亦曰伏豹取不出之義音報易再三瀆相門恆出

相耕釣亦可卜書故卜功臣國事非家事孝忠同一躅北風吹天地滄海翻岳瀆浩也議不戰長江境彌蹙

通鑑宋孝宗銳意恢復張浚入見乞即日降詔幸建康帝問史浩浩曰先為備守是為良規議戰議和在彼不在此倘聽淺謀之士時興不教之師寇退則論賞以邀功寇至則斂兵而遁跡取快一時含冤萬世及退詰浚曰帝王之兵當出萬全豈可嘗試以圖德倖

彼嵩乃絃張名閩將鹿逐夾攻既通使核算豈遺鏃指麾及燕晉洗蕩到瀟穀宋史理宗紹定五年以史嵩之為京湖安撫制置使知襄陽府

蒙古遣王機來京湖議夾攻金嵩之以聞朝廷皆以為可遂復仇之策帝命嵩之報使許之蒙古都元帥塔察兒使王機至襄陽約攻蔡州嵩之先以兵會伐唐州金將烏古論黑漢戰死城降嵩之命孟珙江海帥師二萬運米三十萬石赴蒙古之約塔察兒大喜益修攻具

端平元年孟珙以蒙古兵入蔡州金主守緒及其尙書右丞完顏忽斜虎死之金亡嵩之露布以聞遣郭春按循故壤詣奉先縣汎掃祖宗諸陵（前漢董仲舒傳）琴瑟不調甚者必解絃而更張之乃可鼓也（前漢書）古王者之遺將也跪而推轂曰闕以內寡人制之闕以外將軍制之（又）帝問蒯徹曰若敦淮陰反乎對曰然秦失其鹿天下共逐之高材疾足者先得焉（過秦論）秦無亡矢遺鏃之費而天下諸侯已困矣（按）志燕今直隸順天管今山西灑水名在河南穀城縣（禹貢）伊洛澗澗（春秋）公會齊侯于穀

兵威偶小振相業竟難續

（宋史）史嵩之服除有進用之意殿中侍御史章瑛正言李昂英監

宴安爾江沱

（左傳）宴安酖毒不可

懷也。顓擅我姑孰

（通鑑）晉元帝永昌元年王敦舉兵反陷長沙明帝太寧元年敦謀篡位諷朝廷徵己帝手詔徵之敦移鎮姑孰自領揚州牧（又）桓玄舉兵反入建康出屯姑孰大政皆就咨焉

人材遽如此王氣

合終錄

（庾信哀江南賦序）將非江表王氣終於三百年乎

從來論國是獨不懼國覆蓋棺久自定

（晉書）劉毅云丈夫闔棺事方定

荊棘忽蔽日

（又）索靖知

天下將亂指洛陽宮門銅駝嘆曰會見汝在荆棘中耳

望斷八公山

（又）苻堅大舉入寇詔謝石謝玄帥師拒之去洛澗五十里而軍堅登壽陽城望之見晉兵部陣嚴整又望見八公山草木皆以爲晉兵慨然有懼色曰此亦勦敵何謂弱也

功高九州督

（通鑑）桓溫子玄補義興太守嘆曰父爲九州牧兒爲五湖長棄官歸國

回首百年間遠哉遼固錄

（史記）太史公曰先人有言自周公卒五百歲而有孔子孔子卒後至於今五百歲有

能紹明世正易傳繼春秋本詩書禮樂之際意在斯乎意在斯乎小子何敢讓焉（前漢書敘傳）漢紹堯運以建帝業至於六世史臣乃追述功德私作本紀編於百王之末廁於秦項之列太初以後闕而不錄故探纂前紀緝輯所聞以述漢書起於高祖終於孝平土莽之誅十有二世二百三十年綜其行事旁貫五經上下洽通爲春秋考紀表志傳凡百篇

大食餅 〔格古論〕大食密銅身用藥料燒成五色有香爐花瓶盒子之類

西南有大食國自波斯傳 〔唐書〕大食國本在波斯之西大業中有波斯胡人牧豕於俱紛摩地那之山忽有獅子人語謂之曰此山西有三穴穴中有黑石白文讀之便作王位胡人依言果見穴中有石及指刃甚多上有文教

其反叛於是糾合亡命遂割據波斯西境自立為王 茲人最解寶厥土善陶埴 〔老子〕埴埴以為器埴音糧和土也 素餅一二尺金碧燦相鮮品煢龍宮獻

錯落鬼斧鑄粟紋起點綴花綫蟠蜿蜒定州讓巧薄印邑鬪清堅脫指滑欲墮凝瞳冷將穿逃哉賈胡力

〔後漢馬援傳〕伏波類西域賈胡到一處輒止以是失利 直致鮫鱈淵常嗟古器物頗為世所捐襍衫易冠冕盤盞改豆籩禮圖日以變戎

索豈其然 〔左傳〕疆以戎索〔注〕大原近戎而寒不與中國同故疆理土地用戎之法 在時苟適用重譯悉來前 〔禮〕東方曰寄南方曰象西方曰狄鞮北方曰譯〔注〕四者皆通遠人言語之官譯

釋也猶言騰也謂以彼此言語相際釋也越裳氏重九譯而朝是也 大震幸混一四海際幅員縣度縛繩維 〔後漢章帝紀〕跋涉縣度〔注〕西域傳曰縣度者石山也溪谷不通以繩索相引而度 望

夷航革船 〔舊唐書〕東女國西羌之別種俗以女為王其王所居名康延川中有弱水南流用牛皮為船以渡 鑿空發使節 〔史記〕張騫鑿空其後使往者皆稱博望侯以為實於外國外國由此信之〔注〕鑿空開通也騫開

通西域道 隨俗混民編漢玉堆積箭蕃羅塞鞍韉城池信不隔服食奈渠邊輪困即上據鼎釜疇能肩插葩奪

豔冶盛飾添馨羶。當筵特見異博識無庸詮。藏之或論價。裹此猶吾氈。珊瑚尚可擊。磧路徒飛烟。

（杜市詩）今

君渡沙磧。繫月斷人烟。

〔注〕鹵中沙淡也。

彼還彼互市。我且我栝圈。角貓獨不出。記取征西年。

〔元史〕太祖西討回回國。滅之。至東印度。駐鐵門關。有一角獸。鹿形。馬尾。色綠。作人言。

謂侍衛曰。汝主宜早還。帝以問耶律楚材。對曰。此瑞獸。名角端。能言四方語。好生惡殺。此天降符以告陛下。陛下天子。願承天心。以全民命。帝即日班師。貓一作端。或作麟。

樓光遠家觀宋綬景德鹵簿圖

〔玉海〕景德二年。郊祀。王欽若上記三卷。頗疏略。天聖六年十一月癸卯。翰林學士宋綬。上天聖鹵簿記十卷。付祕閣。初。綬攝太僕卿。侍玉輅。上問儀物典故。占對辨洽。因命撰

記。景祐五年。禮儀使宋綬。上景德南郊鹵簿圖記十卷。圖記序曰。皇上再郊之明年。命華光侍臣圖寫大簿。臣充儀仗使。督攝容衛。又以太僕奉車承顧問。乃與侍讀馮元。侍講孫奭。議曰。前二圖書。寫形紀事。不相參會。蓋象設而文。文陳乎。由是著爲圖記十篇。〔五祀粘義〕鹵。大盾也。以大盾領一部之人。故言鹵簿。〔漢官制度〕天子出車。駕次第。謂之鹵簿。〔按〕景德宋真宗年號。天聖景德俱宋仁宗年號。

東朝盛文物。四海極豐富。紛飾郊祀間。馳驅漢唐舊。奉常夙有掌。鹵簿列前後。

〔唐六典注〕漢官儀鹵簿篇。太常駕四馬。主簿前車八乘。

車輪麾飛黃。

〔西京雜記〕儀衛有騎隊。鼓吹。黃鷹。騎。單節。御馬。華蓋。剛鼓之制。

戟盾服錯繡。

〔晉輿服志〕兵器則有大戟。楯。〔玉海〕開寶四年。合祭天地於圓丘。始用繡衣鹵簿。〔按〕開寶。宋太祖年號。

啓胙

龍虎動。

〔左傳〕齊莊公伐晉。兵有啓有胙。〔注〕左翼曰啓。右翼曰胙。〔唐儀衛志〕大駕鹵簿。以旗計者二十七。曰青龍。白虎。辟邪。應龍。玉馬。三角獸。黃龍。白圖。黃鹿。飛麟。駃騠。鸞。鳳。飛黃。麟。角端。赤熊。兕。太平。犀牛。駿。鸞。鸞。鸞。牙。蒼烏。白狼。龍。馬。金。

牛衙門旗并黃麾女武
幃絳塵孔雀旌罕畢

扈衛鴛鴦筵

筵解見送
鄭獻可

嵯峨屹丘岳灼燔羅星宿

〔玉海〕千乘岳動萬騎林
迴星陳而天行雷震而霧合

陳兵吉利隊擇

馬駒駮廐

〔史記〕匈奴居於北蠻隨畜牧而轉移其畜之所
多則馬牛羊其奇畜則橐駝驢贏馱駃騠駮驪驪驪

嚴須呵八神

〔揚雄賦〕八神奔而響譯分振股鞞
而軍裝〔注〕自招搖至橘狂凡八神

喜欲抃

百獸〔書〕百
獸率舞

祖宗所繼承宇宙徧包覆上公敬執籙天子親獻酎靈光旂旗林

〔前漢郊祀志〕武宣之世奉此
三神禮敬教備神光尤著〔楚

辭〔孔〕蓋兮翠旂
〔注〕旂一作旌

緝典禮樂圍威儀一以整瓊碎無不究時惟正垂拱國幸息戰鬥玉策恐人聞

〔風俗通〕岱
宗上有金篋玉

策能知人年壽修短武帝探
得十八倒讀曰八十後果然

帛書疑鬼授

〔紀事本末〕寇準自澶淵還頗矜其功王欽若深嫉之進曰澶淵之舉以萬乘之貴而
爲城下之盟何恥如之因勸帝惟封禪可以鎮服四海誇示外國然自古封禪當得天瑞

天瑞安可必得前代有以人力爲之者大中祥符元年正月皇城司奏有黃帛曳左承天門南鵠尾上令中使視
之帛長二丈許絨物如書卷纏以青縷封處隱隱有字蓋神人所謂天降之書也〔按〕大中祥符宋眞宗年號

紛紜務欺阿

〔又〕
欽若

之計既行陳堯叟陳彭年丁謂杜鎬
益以經義附和而天下爭言祥瑞矣

制作窮刻鏤老幼咸駿奔穹市摠歆臭

〔詩〕其香始升上
帝居歆胡臭賈時

中誠迺根本外貌

特膚腠封寧重礮繩

〔徐陵賦〕惟封云與禪肅遣玉牒與金繩〔封禪儀注〕持禮凡三十人上發壇上十石礮蓋尙書令北
向跪藏玉牒畢持禮覆石函尙書令封上十石檢亦纏以金繩泥雜用四方土各依其色礮音惑石篋也

饗或貴型館

〔荀子〕剖刑而莫邪已〔按〕刑同型凡鑄式以土
日型以木日模以金日範鑄音澗〔說文〕飯氣蒸也

居安味危機致治啓亂寶文華終耗財武弱益招

寇雖然喧一朝孰得燕末胄五輅忽已沒。

〔晉輿服志〕王金象革木等路是爲五路並天子之法車玉路最尊建太常十有二旂九佖委地畫日月升龍以祀天命路建大旂九旒以會萬國之賓亦以賜

上公及王子母弟象路建大赤迺赤無畫視朝亦所以賜諸侯革路建大白以即戎兵亦以賜四鎮諸侯木路建大麾以田獵其麾色黑亦以賜藩國路與輅迺

三京杏難救

三京解見說宣和內宴

惜其初討論盍不

返朴陋臨風披此圖歎息我目綬

淵穎集卷二

樓光遠出示先賢圖像及漢季石本雜碑

世人不好古。我獨思古先。居然圖像間。得見古聖賢。遠之或千載。近亦數百年。精神果何在。面貌猶爾妍。凡民一其生。覆幬乃同天。紛紜日就滅。委棄隨烏鳶。烏鳶解見讀列子。矧茲丹青筆。巧類造化甄。惟心卻不死。匪繪

尙能傳。豈伊祝畏壘。

〔莊子〕庚桑楚北居畏壘之山。其匠之畫然智者去之。其妾之挈然仁者遠之。臃腫之與居。鞅掌之爲使。居三年。畏壘大穰。畏壘之民相與言曰。庚桑子之來。吾洒然異之。令吾日計之而不足。歲計之而有餘。庶幾其聖

人乎。子胡不相與尸而祝之。社而稷之乎。

仍似畫凌烟。〔唐書〕太宗貞觀十七年。畫功臣長孫無忌等二十四人像于凌煙閣。

衣冠從代改。俎豆與周旋。前人後所哀。後者復

爲前。展轉哀未盡。蒼茫但長川。我今以後古。古碣空餘鐫。水石久欲泐。蛟蚪起相纏。當風遽墮淚。詎滅峴

山巔。

〔晉羊祜傳〕祜守襄陽。與鄴湛等登峴山。慨然嘆息曰。自有宇宙。便有此山。賢達勝士。登此者多矣。皆湮滅無聞。使人悲傷。漢曰。公德冠四海。道嗣前哲。必與此山俱傳。若湛輩。乃當如公言耳。祜卒。百姓爲建碑立廟。望其碑者。莫不流涕。名墮淚碑。

庶

以名德在。終爲日星懸。

夜聽李仲宏說廣州石門貪泉

〔晉書〕廣州包山帶海。珍異所出。一簋之寶。可資數世。然多瘴疫。人情憚焉。唯貧窶不能自立者。求補長史。故前後刺史。皆多贖貨。及吳隱之爲廣州刺史。既至。語其親人曰。不

見可欲使心不亂越崖喪親吾知之矣乃至石門泉酌而飲之賦詩曰古人云此水一飲懷千金試使夷齊飲終當不易心在州清操愈厲常食不過菜及乾魚而已〔名勝志〕石門山在番禺縣城西北二十里兩山對峙如門據南北往來之衝上有西華寺今廢其西食泉出焉一名石門水俗傳登大嶺嶺則清穢之氣分飲石門水則潔白之質變〔按〕志縣屬廣東廣州府

大粵控南海茫然天地陬

〔前漢高帝紀〕吳芮從百粵之兵以佐諸侯〔按〕志今廣東廣西俱古百粵地南海解見新得南海志

石門屹有限巖瀑蓄爲湫何哉清潔

名坐與貪濁侔使卽一杯飲蠻貊卽繭抽

〔通鑑〕趙簡子使尹鐸爲晉陽請曰以爲繭絲乎抑爲保障乎簡子曰保障哉〔注〕繭絲謂淺民之膏澤如抽繭之緒不盡不止

金珠混寶

蛤孔翠爛相繆

〔潛夫論〕和氏之璧出於璞石隋侯之珠生於蚌蛤〔楚辭〕孔蓋兮翠旒〔注〕孔蓋以孔雀尾爲車蓋翠旒以翡翠羽爲旌旗

烏文映吐陀器物窮雕鏤劇髻蛟龍

悚劇同披鬢奇

〔說文〕馬鬣也織毳虎豹愁〔周禮〕司服四望山川則毳服毳音吹去聲獸毛褥細者

島嶼刮欲竭民夷起爭仇聖王不忘遠奸暴合汝郵

靈若尙商貨

〔潘岳賦〕靈若翔於神鳥〔注〕海神也

惡風無時休曉波半柁杓渴沫萬戟矛氣機乃日變培克非人謀

〔詩〕會是培克

私疑勢至極實爾疊所由妖巫挾左道峒獠稱豪酋支祁妄解鑊

〔國史補〕楚州有漁人忽於淮中釣得巨鐵鎖挽之不絕以告官刺史李陽水大集人力引之鎖

窮有青獼猴躍出水復沒而逝後有嶮山海經云水豸好爲害禹鎖之軍山之下其名曰無支祁〔岳瀆經〕禹治水獲無支祁形如獼猴力踰九象命庚辰制之鎖於龜山之足淮水乃安

蝦蟇怒翻舟

〔爾雅翼〕蝦蟇似蜥蜴在岸壁間狀雖似龍

人所玩習。故淮南云。禹南濟於江。黃龍負舟。禹視龍猶蝦蟇。言不足畏也。蝦音煙。上聲。蟇音田。上聲。蕭遵。靈黔南。沂三峽。次務歸。黃神佑助。每涉險難。恍然如在。〔按〕志。人鮮或併命。吏商豈良籌。〔名勝志〕歸州城西三里。有叱澗。舊經云。水石相激。如噴叱之聲。一名人鮮。其上有黃龍廟。唐右史

屬湖廣荊州府。〔黃庭堅詩〕人鮮中危萬死。鬼門關外更千岑。逝將尋泉源。纖滓忽不留。復思漱泉瀨。麓穢悉以

瘼。洗除崐崙窟。疏淪渤澥流。〔山海經〕崐崙山。河水出焉。〔物理論〕河色黃赤。衆川之流。一塵了不動。六合嚴如秋。蓋濁之也。百里一小曲。千里一大曲。一直一曲。凡九曲。以達於海。

嗟吾此身小。幸獨爲國憂。從茲斥聚斂。矧彼畜羊牛。馬援空薏苡。〔後漢書〕馬援在交趾。常餌薏苡實。用能輕身。省愆。以勝瘴氣。軍還。載之一車。及卒後。有上書譖

之者。以爲前所載皆明珠文犀。王陽但衣裘。〔前漢王吉傳〕自吉至孫崇。世名清廉。然材器名稱。稍不能及父。而祿位彌隆。皆好車馬衣服。其自奉養極爲鮮明。而亡金銀錦繡之物。及遷徙去處。所載不過囊衣。不畜積餘財。天下服其廉。而怪其奢。

故俗傳王陽能作黃金。吉字子陽。百世不易操。嗚呼我賢侯。

秋日雜詩六首和黃明遠

京露幾時白。朔風吹雁寒。游俠豈不樂。山林已推殘。晶瑩龍尾劍。錯落虎皮冠。〔李白詩〕幽州胡馬客。綠眼虎皮冠。寄謝五

陵子。〔前漢原涉傳〕郡國諸豪。及長安五陵。諸爲氣節者。皆歸慕之。〔注〕五陵。謂長陵。安陵。陽陵。茂陵。平陵也。班固西都賦曰。南望杜鰲。北眺五陵。是知鄴陵杜陵。非此五陵之數也。〔西都賦注〕高惠景武昭帝五陵。士人多宅於此。文帝杜陵。宣帝霸陵。在南餘

在北故曰五陵（何晏詩）
五陵多任俠輕騎自連羣

焉知行路難

（按）古樂府行路難注備言世路艱難及離別悲傷之意

二

明月出東山流光射牕牖美人曼聲歌翠袖拂南斗

（別子）韓娥曼聲長歌一里老幼喜躍忡舞

別離終不常歡樂詎能久笑折青

桂枝涼風吹我手

（李白詩）何以折相贈白花青桂枝

三

黃塵滿天地滄海悲鶻沒從來學仙人不在豪俠窟

（杜甫詩）慘淡盡俠窟（注）秦克六國輒徙其豪俠於蜀家有鑿銅之利人擅山川之材簫鼓歌吹擊鑼懸壺富伴公室豪過田文

豹鳥既飄飄

（拾遺記）穆王起青霄宮王母納丹豹文履

蜺旌何翕忽

（宋玉賦）蜺爲旌翠爲蓋

因之把酒杯坐嘯青山月

四

西風披白蘋

蘋一作蘋

楚客自枯槁

（九歌）登白蘋兮聘望（注）蘋音煩一作蘋非是蘋草秋生似莎而大

扳龍思上天勳業苦不早

（後漢書）耿純說光武曰士大夫從大

王於矢石之間者其計固望攀龍鱗附鳳翼以成其所志耳

還心隨落鴻短髮等衰草亦有夫容花

（班馬字類）漢書司馬相如傳外發夫容與芙蓉同史記作芙蓉

嫣然爲誰好

五

寂歷林下扉。莓苔日應積。少年非隱淪。南陌事行役。書劔稍猖狂。衣冠多烜赫。何用擊樹枝。空山歌白石。

〔琴操〕寧戚飯牛車下。扣角而商歌曰。南山矸。白石爛。生不逢堯與舜禪。短布單衣。裁至舒長夜漫漫。何時且。桓公聞之曰。異哉歌者。非常人也。命後車載之。

六

代有遠游子。出門獨徘徊。自託羽林籍。〔前漢百官表〕羽林掌送從。次期門。武帝太初元年。初置。名曰建章營騎。後更名羽林騎。又取從軍死事之子孫養羽林。官教以五兵。號曰羽林孤兒。誰傾鸚

鵝杯。梁簡文書。車渠屢酌。鸚武驟傾。〔杜甫詩〕醉客沽鸚鵡。〔注〕鸚鵡螺也。塵生走馬埽。〔庾信馬射賦〕并試長楸之埽。〔又〕馬似浮雲向埽。埽音劣。〔說文〕埽埽也。草上呼鷹臺。〔元史〕至大元年。築呼

鷹臺於鄒州澤中。發軍千五百人助其役。極目渺滄海。聊紆千里懷。〔宋玉招魂〕目極千里兮傷春心。

貞女引記予所聞於蘭溪錢彥明者

北方有達者。官守託闕壻。壻。解見效方。子清儂言。一笑侍鹽櫛。〔左傳〕懷嬴奉匭澠盟。〔又〕懷嬴謂公子圍曰。寡君使婢子侍執巾櫛以固子也。千金得嬋娟。〔離騷〕女嬃嬋娟。

說文。嫫也。〔李白詞〕美人一笑千黃金。晨歌雲母幌。〔拾遺記〕晉惠起居注。有雲母幌。夜舞荔枝筵。春桃獨不艷。秋柳遽無年。於焉榛筍毀。〔士冠禮〕設筍。〔注〕

凡諸侯笄有二。一是紒內安髮之笄。一是皮笄。蔽弁及六冕固冠之笄。或用榛。〔三禮圖〕笄士以骨。大夫以象。〔說文〕簪也。〔按〕笄男女皆有之。不專屬女也。遂以檟櫬遷。〔左傳〕初穆姜使擇美櫬以自爲櫬。音容詎可

睹涕泣空餘漣。墓塚但未殉。床第更誰妍。〔左傳〕牀第之言不踰闕。〔禮〕設牀禮第第音子。越鸞悲掩鏡。解見張節婦卷。齊雉痛鳴弦。〔揚雄琴清英〕雉

朝飛操者。衛女傅母之所作也。衛女嫁于齊太子。中道聞太子死。問傅母曰。何如。傅母曰。且往當喪。喪畢。不肯歸。終之以死。傅母悔之。取女所自操琴于塚上。鼓之。忽二雉俱出。墓中。傅母撫雉曰。女果爲雉也。言未畢。俱飛而起。忽然不見。傅母悲痛。授琴作操。故曰雉朝飛。

人子當盡道。妾生敢移天。手澤尙不忍。〔記〕父沒而不能讀父之書。手澤存焉耳。家風豈其愆。解見宣和內宴雜事。吾何惜吾軀。汝懼辱爾

先郡庭給過所。江驛遞歸船。郵兵卽前防。纜卒復後牽。時時數斂珥。處處閱囊橐。心堅務玉白。鼻截愧瓦

全。〔列女傳〕吳孫奇妻者。廣陵范慎女。名姬。年十八。配奇。一年而亡。慎以姬少寡無子。迎還其家。姬不肯歸。父迫之。姬遂操刀割耳及鼻。曰。父趣我者。不過以我年少而色美。今已殘矣。行將焉如。迎者乃返。指波著重誓。抗節脫儼

涎。世故日已下。民瘼孰能然。狹邪情比絮。〔蘇軾集〕東坡在徐州。參寥自錢塘訪之。坡席上令一妓求詩。參口占云。多謝尊前窈窕娘。好將幽夢惱襄王。禪心已作沾泥絮。不逐春風上下狂。桑濮

步安蓮。桑濮。解見張節婦卷。〔南史〕東昏侯鑿金蓮花貼地。令潘妃行其上。口此步步生蓮花也。闕氏弄琵琶。青塚俗曷鐫。〔西京雜記〕元帝後宮既多。使畫工圖形。按圖召幸。宮人皆賂畫工。獨王嬙不肯。遂不

得見。匈奴入朝。求美人爲闕氏。於是上案圖。以昭君行。及去。召見。貌爲後宮第一。帝悔之。而名籍已定。帝重信於外國。不復更人。乃窮案其事。畫工杜陵毛延壽等。並棄市。〔石崇昭君詞序〕昔公主嫁烏孫。令琵琶馬上作樂。以慰其道路之思。其送明君。亦必爾也。其造新

曲多哀怨之聲。〔歸州圖經〕胡地多白草。昭君塚獨青。〔一統志〕昭君墓在古豐州西六十里。〔史記索隱〕關氏匈奴皇后號也。香煙支。昭儀出感業。椒壁孽多羶。〔舊唐書〕則天年十四。太宗立爲才人。及太宗崩。遂爲

尼居感業寺。高宗於寺見之。復召入宮。拜昭儀。〔漢官儀〕皇后稱椒房。取其實蔓延。盈升以椒塗室。取溫暖除惡。況茲大丈夫。自許古聖賢。百行偶一敗。反經欲稱權。疇知生

死間。便見榮與淵。〔通鑑〕宋中書監袁粲。謀誅蕭道成。不克而死。道成進爵爲王。司徒褚淵奉璽詣齊宮勸進。百姓謠曰。可憐石頭城。寧爲袁粲死。不作褚淵生。吁嗟此貞女。儻或繼史編。似

聚應而作。

送宣彥昭北赴京師

去年春風來。我已送子兄。今年春風來。我復送子行。大江多波浪。雨雪塞路程。老河貫梁楚。〔按〕禹貢導

四州之境而入海。〔一統志〕東魏梁州。今開封府。〔史記〕注。江陵爲南楚。吳爲東楚。彭城爲西楚。詳見嚴陵應仲章。汴泗割濁清。〔一統志〕汴水源出開封府滎陽縣。至中牟北入河。〔禹

出魯卞縣故城。梁山匯爲灤。〔高適詩〕雲開汶水孤帆遠。路過梁山四馬迴。〔按〕志。梁山在東南桃墟西北。梁山匯爲灤。山東東平州。灤有鹿朴洛三音。陂澤也。山東名灤。幽州名淀。俗作泊。荷藕欲抽莖。漳流直達海。

〔禹貢〕覃懷底績。至于衡漳。〔注〕水名。〔一統志〕漳河其源有二。一出山西潞州長子縣。名濁漳。一出平定州樂平縣。名清漳。二源俱入彰德府境。合流入衛河。葭萋莽縱橫。飲饌去鄉異。市逢寒食餚。

寒食錫解見嚴陵應仲章。游從到處闊。騎聽上林鶯。帝都示四方。賓客聚百城。白獸耀戟戩。〔三輔黃圖〕未央宮有白虎殿。唐避太祖諱。改為獸。〔杜甫詩〕寂寞

白獸闈。〔注〕白獸闈。即白獸門。〔西京賦〕植鐵懸闈。闈音伐。盾別名。紅鸞擁旗旌。乍見須璧馬。〔前漢書〕武帝遣使者安車蒲輪。東帛加雙。召魯申公。再談遼公卿。〔又〕吳公薦賈誼。帝召以為博士。

時年二十餘。一歲中。超遷至大中大夫。帝議以任公卿之位。大臣多短之。以為長沙王太傅。再召入見。夜半前席曰。吾久不見賈生。自以為過之。今不及也。以為梁王太傅。終然鳳鷄集。恥作鰕蟹并。況子昔我學。

自期可俊英。平時撫硯匣。晝夜對燈檠。古今更成敗。舉舌即深評。北南幾水陸。肆意勿遐征。子兄特精幹。

胥次有甲兵。〔續長編〕陝西經略安撫副使范仲淹。兼知延州。先是詔分邊兵。部署領萬人。鈐轄領五千人。都監三千人。有寇。則官卑者先出。仲淹曰。不量賊衆寡。而出戰。以官為先後。取敗之道也。為分州兵為六將。將三千人。分部教之。量賊衆寡。使更

出禦賊。賊不敢犯。既而諸路皆取法焉。賊相戒曰。無以延州為意。今小范老子胸中。自有數萬甲兵。不比大范老子可欺也。大范。蓋指雍云。被服抗俠窟。〔西京雜記〕王氏解見秋。日雜詩。躋攀接侯鯖。五侯不相能。賓客不

得來往。妻媿傳食五侯間。盡得其歡心。競致奇膳。笑披鷹鷂論。條鏃手所擊。〔野客叢書〕雜說謂鷹鷂之鷂。史傳不載。其名起於近世。僕讀唐張子壽集鷹鷂圖贊序。正有是論曰。

鷹也。名揚於尙父。義見於詩。鷂也。迹隱於古人。史闕其載。豈昔之多識。物亦有遺。將今而嘉生。材無不出。為所呼之變。與所記不同者邪。僕謂子壽亦未深考。張衡東京賦。鷂鷂春鳴。北史。文宣謂思好曰。爾擊賊。如鷂入鴉羣。左傳。鷂鳩氏司事也。枚乘賦。揚雄方言。爾雅說文。

俱有此字。豈可謂迹隱於古人史闕其載邪。錯金琵琶槽。絃索發奇聲。二難苟若此。何地不鏗轟。〔世說〕陳元方子羣。與季方子忠。各論其父功德。爭之不能決。各於其祖太丘。太丘曰。

元方難爲兄。
季方難爲弟。
貢生彈冠待。〔前漢書〕王陽與貢禹爲友。陽爲益州刺史。禹聞之。彈冠以待。陽薦禹於成帝。召爲大夫。

王粲倒屣迎。〔魏志〕王粲字仲宣。蔡邕見而奇之。時邕才學顯著。貴重朝廷。當車騎

填巷。賓客盈坐。聞粲在門。倒屣迎之。粲至。幼弱短小。一坐盡驚。曰。此王公孫。有異才。吾不如也。吾家書籍文章。當盡與之。

上書令自銜。趣召使衆驚。尙期施展間。歸作閭巷榮。嗟吾

久抱疚。望子但目瞳。

〔莊子〕類淵曰。夫子步亦步。趨亦趨。夫子奔軼絕塵。而回踵若乎後矣。瞿音撐。張目視貌。

因之念吾兒。遲子謁國費。吾兒早失學。所至類

孩嬰。幸令得好友。庶免諛愚氓。前園川海棠。紫蔓亂垂瓔。起揮雙玉壺。暢此孤劍情。當知子願欲。本不慕

肥輕。行哉自此遠。谷口吾躬耕。

〔逸士傳〕鄭朴。字子真。襄中人。隱於谷口。

諸暨北郭潘節婦卷後題

天地昔立極。聖人本有防。辟之制洪水。瀦蓄以爲常。不然遽汎溢。隨處恣披猖。終將大節撓。寢我夔倫傷。南州彼何人。北郭得新孀。盛年喪所天。臨鏡毀舊粧。春秋奉饋祀。暇乃治蠶桑。豈惟育稚幼。抑且禮尊璋。尊璋日已老。稚幼儼成行。託孤生當盡。從一死則臧。〔從一解見張節婦卷〕乘時或棄背。媿嫁更衣裳。疇悲膏沐容。〔詩〕豈無

膏沐。誰適爲容。

畢命松柏崗。世人如輕塵。風至卽飄揚。我身類完玉。火烈愈耀光。自來菅蒯姿。曾不異姬姜。

〔左傳〕雖有絲

麻不棄菅蒯。雖有
姬姜。毋棄憔悴。

毋寧窈窕化。〔詩〕窈窕淑
女。君子好逑。

孝敬著一鄉。一鄉尚謂狹。千載顧不長。吾其撫野草。可但感嚴霜。

起操膝間瑟。彈作雙鳳凰。鳳凰不再下。寒月照屋梁。

〔類函〕琴歷曰。琴曲有雙鳳。離鸞等調。
〔杜甫詩〕落月滿屋梁。猶疑照顏色。

同方子清觀管子內業

之人東隣居。爲發架上篋。吁嗟管夷吾。遺我以內業。古書本少見。古道終不踰。遺文久灰燼。瑣語特枝葉。

禮。天下無道。
則辭有枝葉。

爲儒每更端。

〔又〕君子問
更端則起而對。

務學多涉獵。

〔吳志〕孫權謂呂蒙曰。卿今當塗掌事。不可不學。蒙辭以軍中多務。
權曰。孤豈欲卿治經爲博士邪。但當涉獵見往事耳。〔注〕涉獵。言泛

濫流觀譬如涉水
獵獸不精專也。

遠馳盍求心。近眩將失睫。紛綸諸子間。變亂聖王法。百家各爲主。一理能足攝。彼哉所施

教。何得不我協。士鄉自宜然。伯政吾甚捷。

〔國語〕管子制國以爲二十一鄉。工商之鄉六。士
鄉十五。公帥五鄉。馬國子帥五鄉。馮子帥五鄉。馮子帥五鄉。

當其解而囚。豈謂射

中協。

〔左傳〕師及齊師戰于乾時。我師敗績。鮑叔帥師來言曰。子糾親也。請君討之。管召仇也。請受而甘心焉。乃殺
子糾于生。寶召忽死之。管仲請囚。鮑叔受之。及堂阜而稅之。〔國語〕桓公曰。管夷吾射寡人。中鈞。是以濱于死。

利源魚鹽開。

〔史記〕設輕重魚鹽之利。〔管子〕
公問管子何以爲國。曰。惟山海可爾。

兵武劍戟接。

〔國語〕管子作內政而寄軍令。五家爲軌。故五人爲伍。軌長帥之。十軌爲里。
故五十人爲小戎。里有司帥之。四里爲連。故二百人爲卒。連長帥之。十連爲鄉。

故二千人爲旅，鄉良人帥之，五鄉一帥，故萬人爲一軍，五鄉之帥帥之夜，戰聲相聞，足以不乖，晝戰日相視，足以相識。

私疑聃莊言，或混孔孟牒，鬼神通幽奧，詩禮借光暉，操存

性情常，食飲精氣，浹於焉，覈天人，不獨滕齒頰。

（內業篇）凡物之精，此則爲生，下生五穀，上爲列星，流於天地之間，謂之鬼神，藏於胸中，謂之聖人。

（又）凡人之生也，必以平正，所以失之，必以喜怒憂患，是故止怒莫若詩，去憂莫若樂，節樂莫若禮，守禮莫若敬，守敬莫若靜，內靜外敬，能反其性，性將大定。（又）凡食之道，大充傷而形不誠，大攝骨枯而血沉，充攝之間，此謂和成，精之所舍，而智之所生，饑飽之失度，乃爲之圖。

（又）天主正，地主平，人主安靜，春秋冬夏，天之時也，山陵川谷，地之枝也，喜怒哀取，予人之謀也，是故聖人與時變而不化，從物而不移。（易）咸上六象曰：咸其輔頰，舌滕口說也。楊朱說力命，列子亦已雜。見解

書宗忠簡公家傳及部曲記

宋史本傳，宗澤字汝霖，義烏人。

勢極崇必圯，天方獵元元，兵甲暴草野，大河爲塞垣，猗歟我宗公，往作汴北門。

汴，解見說宣和內宴。（宋史）欽宗靖康元年，金人渡河陷西京，遂

圍京城，京城陷，帝如金營，請降，詔康王構爲天下兵馬大元帥，陳遵爲元帥，汪伯彥、宗澤爲副元帥，使盡起河北兵，速入衛，二年，二帝北狩，康王即位於南京，以宗澤爲東京留守。（左傳）杞子告于秦曰：鄭人使我掌其北門之管。

募戎斜曳戟，盜

賦望風奔。

（本傳）澤留守東京，時賊騎留屯河上，金鼓之聲相聞，而京城樓櫓盡廢，兵民雜居，盜賊縱橫，人情恟恟，澤既至，首捕誅舍賊者數人，下令曰：爲盜者，財無重輕，悉從軍法，由是盜賊屏息，民賴以安。

老熊尙當道，力攬

氣欲吞。四顧萬騎集。中嚴一旗尊。

〔又〕真定懷衛間。虜兵甚盛。澤以爲憂。乃渡河。約諸將議圖收復。而於京城四壁。各置使。以領招集之兵。又據形勝。立堅壁。二十四所。於城外。沿河鱗次。爲連珠砦。連結河東河北山。

水碧忠義民兵。於是陝西。京東西諸路人馬。咸願聽澤節制。〔北史〕韓軌等襲華州。王龍大呼曰。老罷當道臥。貉子那敢過。敵退。

吳越僻且遐。梁宋仍屋完。誓迴龍頭幟。身屬豹尾韃。

〔宋史〕靖康二年五月。康王即位於南京。十月。帝如揚州。時兩河雖多陷於金。而民懷舊恩。皆用建炎年號。及聞帝南幸。無不解體。澤上疏言。願陛下從臣措畫。陳帥鞠旅。盡掃胡塵。奉迎變輿。早還京闕。〔前漢書〕梁孝王城睢陽。北界太山。西至高陽。四十餘城。多大縣。

〔唐書〕宋州睢陽郡。屬河南道。本梁郡。天寶元年更名。〔舊唐書〕宋州治宋城。即漢睢陽縣。〔按〕志。即今開封府。廡古文厚。〔說文〕幟。幕也。〔石林燕語〕宋殿廡幕次。獨近世堂木加互以建帳。行時撤而載之。〔漢書注〕服虔曰。大駕八十一乘。最後一乘。懸豹尾。〔說文〕韃。解見李

所以戟弓矢。周鼎沒未獲。魯戈揮轉昏。〔淮南子〕魯陽公與韓戰。戰酣。日暮。拔戈而揮之。日爲之反三舍。居巢有死憤。〔史記〕居巢人范增事項羽。漢用反間。羽疑增有

私。增大怒。乞骸骨歸。未至彭城。疽發背死。年七十。〔按〕本傳。澤前後請上還京。二十餘奏。每爲黃潛善。汪伯彥所抑。憂憤成疾。疽發於背。諸將入問疾。澤懼然曰。吾以二帝蒙塵。積憤至此。汝等能殲敵。則我死無憾。衆皆流涕曰。敢不盡力。諸將出。澤嘆曰。出師未捷。身先死。

長使英雄淚滿襟。無一語及家事。但連呼過河者三。而薨。年七十。諡忠簡。駱谷無留屯。〔三國志〕蜀姜維出師駱谷。〔元和郡縣志〕儋谷一名駱谷。在興道縣北三十里。〔按〕志。今在陝西漢中府洋縣。一二遺部曲。東

南卻軒簫。〔皇朝忠義名氏圖〕澤救滑州。問諸將。張搆慨然請行。與虜大戰。死之。王宣初爲澤。戲下統領官張搆。搆戰滑州。澤令宣授之。搆死。宣大捷。遂權滑州。猶撐半天下。少掾千丈渾。〔蘇軾詩〕

淅。不如雞鳴夜舞劍。邈矣遜與琨。於茲讀公傳。義士古所敦。

淅。不如雞鳴夜舞劍。邈矣遜與琨。於茲讀公傳。義士古所敦。〔蘇軾詩〕

皂角林觀劉錡戰處

〔本傳〕高宗紹興三十一年，金主亮調軍六十萬，自將南來，彌望數十里，不斷如銀壁，中外大震，時宿將無在者，乃以錡為江淮浙制置使，節制逐路軍馬。〔又〕金萬戶高景山攻揚州，錡遣員琦拒於

皂角林，陷圍力戰，林中伏發。

大敗之，斬景山，俘數百人。

東都何慘澹，南土劇蕭騷。

〔按〕宋史太祖元年，以大梁為東京，開封府。高宗南渡，即位於建康，紹興八年，定都臨安。〔按〕志：臨安，今浙江杭州府。

往往墮戰鬪，於焉出英髦。為

君竟如寄，立國已不高。家供敵人賂，歲奉使客艘。

〔又〕紹興十一年，和議成，歲幣銀絹各二十五萬。自建炎以來，奉使如金，被拘囚者三十餘人，惟行人洪皓、張劭、朱弁三人，以和議成許歸。

乾坤忽掀簸，城郭皆動搖。狡兔手可攫。

〔國策〕馮援謂孟嘗君曰：狡兔有三窟，僅得免其死耳。

長蛇心更饜。

〔左傳〕吳為封豕，長蛇以薦食上國。

精瑩金鎖甲。

翕艷橘紅袍。

〔續通鑑〕金主亮臨江築臺，被金甲登臺，殺黑馬以祭天，以一羊一豕投於江中，召諸將謂之曰：舟楫已具，可以濟矣。

厲矛終挾腕，投鞭遽填壕。

〔本傳〕兀朮被白袍乘甲馬，以牙兵三千督

戰，兵皆重鎧甲，號鐵浮圖，戴鐵兜牟，周匝纒長簷，三人為伍，貫以韋索，每進一步，即用拒馬擁之，人進一步，拒馬亦進一步，不可卻，官軍以槍標去其兜牟，大斧斷其臂，碎其首。〔晉書〕苻堅伐晉曰：以吾之衆，投鞭於江，足以斷其流。

云何大兵壓上

謂和好牢。

〔續通鑑〕帝聞金主亮有南侵之意，疑之，使王綸往覘，綸還入對，言鄰國恭順和好，無他。

白波播天險。

〔通鑑〕魏主丕伐吳，臨江觀兵，見白波洶湧，嘆曰：固天所以限南北也。乃還。

清野捲地毛。

〔博物志〕地以草為毛。

將營皂林，斫軍艦采石塵。

〔續通鑑〕金主亮臨采石，誓明日濟江，時劉錡將王權軍潰於昭關，退屯采石，帝以李顯忠代將，命虞允文往迎顯忠，交權軍，且犒師，允文至采石，權已去，顯忠未來，允文遂召

將勉以忠義。諸將請死戰。乃命諸將列大陣不動。分戈船爲五。其二並東西岸。其一駐中流。藏精兵待戰。其二藏小港。備不測。部分甫畢。敵已大呼。亮操小紅旗。麾數百船。絕江而來。瞬息之間。抵南岸者七十艘。直薄官軍。軍小卻。允文入陣中。撫統制魏俊之背。曰。汝膽略聞四方。立陣後。則兒女子耳。俊即揮雙刀出。士殊死戰。中流官軍以海艫船衝敵舟。皆平沈。敵半死半戰。日暮未退。會有潰卒自光州至。允文授以金鼓。從山後轉出。敵疑援兵至。始遁。允文又命勁弩尾擊。追射大敗之。允文又知敵當復來。夜半部分諸將。明旦敵果至。復大敗之。金主焚其龍鳳舟以遁。

〔按〕志采石。今江南太平府。 大星遽崩殞。滄海爭遁逃。〔本傳〕紹興三十二年閏二月。鎡發怒。嘔血數升而卒。諡武穆。

虎空野競。〔支覽賦〕關二虎於江干。爭兩龍於修坂。 狐狸逐寒皞。〔左傳〕狐狸所居。豺狼所號。 信史猶未著。奇功果誰襄。因之懷舊跡。一弔楚江

皞。

喻東泉學道止酒白書止酒詩座右戲寄

何故欲止酒。自吟止酒詞。酒何負於人。杯杓遽不持。我雖不解飲。見飲輒喜之。何疑酒亂性。屏去無醇醪。乃言執道要。危坐息奔馳。行思駕羽輪。久矣夢肉芝。〔抱朴子〕山中有小人乘車馬長七八寸者。肉芝也。服之即仙。〔神仙感遇記〕蕭靜之掘得一物。類人手。肥潤。煮食之。逾月。齒

髮再生。一道士云。肉芝也。 鳳鸞守爐鼎。龍虎擅巒奇。解見讀參同契。 狂醒不我毒。〔管子〕孫季舒嘗與石崇飲。傲慢過度。崇欲奏之。裴楷曰。飲入狂藥。責人正禮。不亦乖乎。崇乃止。 痛飲非

吾師。〔世說〕王孝伯言。使嘗得無事。痛飲讀離騷。便可稱名士。 終然彼先酒。昔者祀狄儀。〔世本〕儀狄始作酒醪。變五味。 笑揮金叵羅。〔李白詩〕蒲萄美酒金叵羅。〔注〕金罍也。 倒

著白接籬。〔世說〕山季倫爲荊州時出酣暢人爲之歌曰山公時一醉逕造華陽池日暮倒

醉歸酩酊無所知時復乘驄馬。著白接籬舉手語葛強何如并州兒籬或作籬。常人溺妄境世慮動焚絲。〔左傳〕

魯衆仲論衛州吁曰臣聞以德和民不聞以亂以亂猶治絲而棼之也。

爭如醉酩酊得以混希夷。〔老子〕視之不見名曰夷聽之不聞名曰希

神仙矧多幻狡獪無不爲遨遊

市舍長調謔酒家姬唱歌便爛熳冠珮任傾欵吾知麻姑過

〔神仙傳〕王方平度括蒼民蔡經尸解十年經還家云七月七日王君來可作百斛酒以待其日果至解

與陽都期。〔仙媛紀事〕有黑山仙人常乘轎來往陽都酒家女悅之遂爲夫婦

惕哉學仙侶身若槁木枝云胡千瓢量

〔孔叢子〕平原君與子高飲強子高飲酒曰諺云堯飲千鍾孔子

飲百瓢子路嗑嗑尙飲百榼古之賢聖無不能飲子何辭焉

政類斷乳兒歡伯卻恨訴

〔易林〕酒爲歡伯除憂來樂適體頤性

麴生亦嗟咨

〔開天傳信記〕葉法善有道術一日與朝士會忽一人扣門

稱麴生秀才突入坐內言語不凡葉疑其非人潛以飛劍擊之應手墮地乃一酒榼中有美醞飲之同坐曰麴生風味不可忘也

丹室尙恍惚醉鄉終棄遺

〔唐書〕王績作醉鄉記以次劉伶酒德頌〔舊唐書〕績字無功陪大

業中授六合縣丞棄官還鄉嘗躬耕於東臯號東臯子或經過酒肆動輒經日往往題壁作詩多爲好事者諷詠

萬一君上天酒星恐君疑

〔星經〕酒旗三星在軒轅右角南酒官之旗也主宴享飲食〔墟言〕衛元規酒後忤

丁僕射以書謝曰自茲因酒星於天獄焚醉石於秦坑

抑且君得封酒泉併須移

〔三秦記〕酒泉郡城下有金泉泉味如酒故名酒泉〔杜甫歌〕汝陽三斗始朝天道逢麴車口流涎恨不移封向酒泉〔拾遺記〕姚馥遷酒

泉太守詳見紫絲盛露囊歌〔九州春秋〕曹公禁酒孔融書嘲之曰天有酒旗之星地列酒泉之郡

竹溪清風裏

〔唐書〕李白孔巢父韓準裴政張叔明陶沔居徂徠山日沈飲號竹溪六逸

栗里落照時

〔廬山記〕陶

淵明所居栗里兩山間有大石仰視懸瀑可坐十人嘗醉眠其上名醉石 二子豈不飲千秋長若斯。

樓彥珍北游京師予病不及往餞歲晚有懷并寄彥昭浚常

日晚北風起少年方遠游徘徊上谷塞眺望黃河流。

上谷黃河解 見送鄭浚常

崢嶸十月冰朔色壓九州燦煌大明殿。

〔元史〕世祖十八年二月發侍衛軍四千完正殿二十一年正月帝御大明殿右丞相和禮霍孫率百官奉玉冊玉寶上尊號諸王百官朝賀如朔且儀〔輟耕錄〕帝居分十一門正南曰麗正大內南臨麗正門曰大明殿乃登極正且壽節會朝之正衙也 御道

接龍樓。〔輟耕錄〕元薰鳳樓在青陽南三間高四十五尺驂龍樓在明暉南制度如薰鳳〔前漢成帝紀〕帝爲太子嘗急召出龍樓門不敢絕馳道西至直城門得絕乃度還入作室門上遲之問其故以狀對上大悅乃令太子得絕馳道 時巡

向灣水。〔元史志〕至治三年都水監言河西務菜市灣水勢衝隘與倉相近將來爲患宜於劉二總管營相對河東岸截河築隄改水道與舊河合〔方輿紀要〕張家灣在通州南十五里元萬戶張瑄督海運至此而名東南運艘由直沽河百十里至河西

務又百三十里至張家灣入通州倉蓋蘆溝河與白河會流處也〔長安客話〕張家灣爲潞河下流南北水陸要會自潞河南至長店四十里水勢環繞船舫並集最稱繁盛 臘雪擁薊丘。〔水經注〕薊州城內西北隅有薊丘因丘以名邑也猶

魯之曲阜 前驅鸞鳳旗後乘貂鼠裘尙食豐宴飲。〔唐書百官志〕尙食局尙食二人掌供膳 齋之營丘。產品齋總司膳司醢司藥司篋凡進食先嘗 教坊樂筦箜篌。〔雍錄〕開元二年

正月置教坊於蓬萊宮側上自教法曲謂之梨園弟子〔教坊記〕西京右教坊在光宅坊左教坊在延政坊東京兩教坊多在明義坊而右在南左在北也〔文獻通考〕叁篋唐制似瑟而小其絃有七用木撥彈之以合二變故燕樂有大箏篋小箏篋晉送手起曲隨絃

成蓋若鶴鳴之嘹唳。玉聲之清越者也。〔續文獻通考〕元筮篋制以木闔腹。腹下施橫木而加軫。二十四柱。頭及首並加鳳喙。〔樂府雜錄〕筮篋乃鄭衛音之權輿也。以其亡國之音。故號空國之侯。亦曰坎侯。古樂府有公無渡河之曲。昔有白首翁溺於河。歌以哀之。妻麗玉善箏篋。撰此曲以寄哀情。〔風俗通〕筮篋一名坎侯。謹按武帝祀太山。太后令樂人候調。依琴作坎。侯言其坎。坎應節也。侯以姓冠章也。或曰筮篋取其空中。百官散城邑。駝馬盡歸休。自今帝王都。

想爾觀覽周。卻疑書傳間。不謂秦漢優。何家非許史。〔前漢蓋寬饒傳〕上無許史之屬。下無金張之託。〔注〕許伯宜。帝皇后父。史高。宣帝外家。金日磾。張安世。言許史氏有外戚。

之恩。金氏張氏自無客不枚鄒。〔前漢書〕枚乘。字叔。為吳王濞郎中。王謀為逆。乘諫不用。去遊梁。從孝王遊。景帝召拜為弘農都。託在於近狎也。尉乘久為大國上賓。與英俊並遊。得其所好。不樂居郡。以病去官。復游梁。梁客皆善屬詞賦。乘尤高。

孝王薨。乘歸淮陰。武帝自為太子。聞乘名。及即位。乘年老。迺以安車蒲輪徵乘。道死。〔又〕鄒陽。齊人也。吳王濞招致四方游士。陽與嚴忌。枚乘等俱仕吳。皆以文辯著名。上書諫吳王。不內去之。梁從孝王游。羊勝等惡之。孝王下陽。陽迺從獄中上書。孝王立出之。卒為上客。

投輪卽雨集。〔又〕陳遵。字孟公。為京兆吏。放縱不拘。每大飲。揮袂遽雲浮。〔揮袂。解見。送俞子琦。〕東航扶桑陰。西笮崑崙陬。變。

化指顧異。芻蕘立言收。〔詩〕先民有文物。彼洛禘。〔續齊諧記〕晉武帝問擊虞。三日曲水之義。答曰。漢章帝時。徐肇以三月初生三女。至三日俱亡。村以為怪。乃搗酒就水洗滌。去災。帝曰。如此便。

非佳節。尚書郎束皙對曰。虞小生。不足以知之。昔周公卜洛邑。因流水以泛酒。故逸詩云。羽觴隨波流。又秦昭王置酒河曲。有金人出。捧水心劍曰。令君制有西夏。及秦霸諸侯。乃因此處立為曲水祠。二漢相緣。皆為盛集。帝善之。土音吾越謳。〔解見。〕

私將竊祿志。勇赴隨陽謀。隨陽卽澤鴈。竊祿豈梁鷺。〔書〕陽鳥攸居。〔注〕陽鳥。隨陽之鳥。謂鴈也。〔詩〕有鷺在梁。美玉獻劍璫。〔前漢王莽傳〕莽。

望會稽山。私將竊祿志。勇赴隨陽謀。隨陽卽澤鴈。竊祿豈梁鷺。〔書〕陽鳥攸居。〔注〕陽鳥。隨陽之鳥。謂鴈也。〔詩〕有鷺在梁。美玉獻劍璫。〔前漢王莽傳〕莽。

疾孔休候之莽緣恩意進其玉具寶劍欲以為好休不肯受莽因曰誠見君面有瘡美玉可以滅瘡欲獻其珠耳即解其珠休復辭讓莽曰君嫌其賈邪遂椎碎之自裹以進休休乃受〔注〕服虔曰珠音衛蘇林曰劍鼻也師古曰珠字本作齋從玉齋聲後轉寫者訛也珠自雕珠字耳音篆也精金鏤卷鞵〔史記〕淳于髡曰若親有嚴客髡卷鞵鞠蹠待酒於前時賜餘瀝飲不過二斗徑醉矣〔注〕卷音卷收衣袖也鞵臂捍也鞠曲也蹠同蹠出門亟裝束行路肯滯留布

章謾老耄鄉里惟田疇功名幸一遇蠅螳尙公侯二語解見蜂房學問敢強飾黍稷待勸糧當令竹帛上直與先

達伴〔後漢鄧禹傳〕禹開光武安集河北即杖策北渡追及於鄴光武見之甚歡謂曰生遠來寧欲仕乎禹曰不願也但願明公威德加於四海禹得效其尺寸垂功名於竹帛耳〔注〕古無紙有事或書竹簡或書縑帛故曰竹帛〔庚亮表〕十餘年間位超先達

毋使螢燭光肅然寸草秋〔杜甫螢火詩〕幸因腐草出敢近太陽飛〔莊子〕堯讓天下於許由曰日月出矣而燭火不息其於光也不亦難乎〔易通卦驗〕立秋腐草化為螢嗟予久抱疾餒酒

弗及葛念爾忽萬里征夢或見求二語解見夢巖南老人宣生頗俊逸鄭子復綢繆趾高有捷步胷正無昏眸早看拜

家慶共許動宸旒傳車定不礙關鑰便若抽二語解見送鄉溪常杏花開如錦楊柳滿陌頭去時小兒女來詫真驂騑

驂騑解見諷小兒高馬圖

陳彥理有漢一字石經云是王魏公家故物予得其六紙蓋石文剝落者大半紙尾猶存蔡邕馬日

碑字

〔隸釋〕靈帝紀云。詔諸儒正五經文字。刻石立於太學。蔡邕傳則云。奏求正定六經。紀傳既已不同。陸機洛陽記所載。但有書易、公羊、禮記、論語、爾雅。隋志云。後漢刻七經於石碑。皆蔡邕所書。其目有一字石經、儀禮九卷。乃漢史陸記

之疏略也。〔又〕水經云。光和六年。立石於太學。其上悉刻蔡邕名。魏正始中。又刻古篆隸三字石經。蓋諸儒受詔在熹平。而碑成則光和年也。隋志有一字石經七種。三字石經三種。其論云。漢鐫七經。皆蔡邕書。又云。魏立一字石經。其說自相矛盾。新舊唐志。有今字石經七種。而注論語云。蔡邕作。又有三字石經。古篆兩種。蓋唐史以隸爲今字也。觀遺經字畫之妙。非蔡中郎輩不能爲。以黃初後來碑刻比之。相去不啻霄壤。豈魏人筆力可到。當以水經爲據。三體者。乃魏人所刻。儒林傳云。爲古文篆隸二體者非也。史稱邕自書丹。使工鐫刻。今所存諸經字體。各不同。雖邕能分善隸。兼備衆體。但文字之多。恐非一人可辦。史云。邕與堂谿典、楊賜、馬日碑、張訓、韓說、單鳳等。正定諸經。今公羊論語之後。惟堂谿、日碑二人姓名尙存。別有趙陔、劉弘、張文、蘇陵、傅楨、左立、孫表數人。竊意其間必有同時揮毫者。予詳玩遺字。公羊、詩、書、儀禮。又在論語上。劉寬碑陰。王曜題名。則公羊詩書之鴈行也。黃初孔廟碑。則論語之苗裔也。識者當能別之。

先聖去已久。世傳惟六籍。後儒各專門。穿鑿多變易。蔡邕在季漢。章句攻指擿。八分自爲書。刊定乃勒石。

〔後漢書〕蔡邕以俗儒穿鑿經籍。疑誤後學。與堂谿典、馬日碑等。奏求正定六經文字。時博士試甲乙科。爭第高下。至有行路改蘭臺漆書經字。靈帝乃從諸儒之請。刊石立之太學。天下咸取則焉。碑高一丈廣四尺。〔按〕八分書者。漢章帝時。王次仲所作。蓋割程邈隸書之八分。而取其二。割李斯小篆二分。而取其八也。

太學諸老生。講論頗充斥。遠方競來觀。摹倣無不獲。東京忽喪亂。盜賊恣跳躑。古碑

四十六。兵火空餘迹。

〔書籍考〕董卓遷都。典策剖散。緜帛圖書。大者連爲帷。小者制爲囊。〔洛陽記〕碑凡四十六。書易、公羊、二十八碑。其十二毀。論語三碑。其二毀。禮記十五碑。皆毀。

熹平歷正始。洛土

重求索。

解見上。

衛侯師邯鄲三體精筆畫煌然立其西學者常嘖嘖。

〔墨池編〕魏初博士清河張紉著碑倉廣雅古今字詁陳留邯鄲涪亦與緝同時博聞古藝特善倉雅。

有名於緝以書教諸皇子又建三字石經於漢碑之西其文蔚炳三體復宜校之說文篆隸大同而古字少異〔又〕漢武時魯恭王壞孔子宅得古文尙書春秋論語孝經時人已不復知古文謂之蝌蚪書漢世祕藏希得見魏初傳古文者出於邯鄲淳衛敬侯爲寫尙書

後以示淳而淳不別至正始中立三字石經轉失淳法

史書竟差舛一字幾不覿

解見題注。

北都如遷鼎

遷鼎解見李鐵槍本末。

西國類藏壁

藏壁解見送鄭獻可。

砥柱

或淪亡

〔書籍考注〕初隋嘉則殿書三十七萬卷至武德初有書八萬卷王世充平得舊書八千餘卷遺宋邈貴監運東都浮舟沂河西至京師于餘卷遺宋邈貴監運至砥柱舟覆盡亡其書

隋宮猶作碣

〔隸釋〕石經殘碑北齊

徙之鄴都至河陽岸類半沒於水隋復載入長安有易一卷書六卷魯詩六卷儀禮九卷春秋一卷公羊九卷論語一卷未及補治而亂作營繕者至用爲柱礎碣音昔〔廣韻〕柱下石

於茲特隸科早已等瓦礫寧知

一字遺不與中郎隔

按蔡邕初年拜平元左中郎將

唐人試書學小學發光隳

〔通鑑〕唐取士以身言書判〔注〕體貌豐偉言詞辨正楷法遒美文理優長四事皆可取則先德行

魏公

蓄紙木六紙忍捐釋模糊千莓苔糾結萬蜥蜴聖文空往燼聖髓尙餘瀝粵從秦以來儒術經五厄

〔按〕書籍

考在秦則厄於始皇之焚燒在漢則厄於莽卓之兵燹三厄於蕭梁四厄於砥柱至唐祿山之亂而寸牘不遺

到今厄者幾日月愈輝赫甚哉石爲經爭似經在壁此石不獨

存吾心竟誰惕

望會稽山 解見雲門紀行

自我行至越，因之成越吟。
（史記）越人莊舄，仕楚執珪，有頃而病，楚王曰：舄故越之鄙細人也，今仕楚執珪，貴富矣，亦思越否？中謝對曰：凡人之思故，在其病也。彼思越則越聲，不思越則楚聲，使人聽之，猶尚越聲也。 會

稽乃巨鎮，雄拔天東南，東南誰開闢，大禹世所欽。外夷島嶼接。
（輿地志）日本國東海島夷地。在浙江東海中，其朝貢山寧波入。 支子禱廟臨。

（史記）夏少康封子無餘於會稽，奉禹祀。 磬鞀或聲諫。
（通鑑）禹以五音聽治，為銘於磬，籛曰：導以道者擊鼓，諭以義者擊鞀，告以事者振鐸，啓以憂者擊磬，有獄訟者搖鞀。 櫟櫟惟力任。
（按）書注：泥乘

輶山乘輶，史記輶作橋，漢書作龜，以板為之，其狀如箕，擣行泥上，櫟或作櫟，史記作橋。漢書作獨，以鐵為之，其形似錐，長半寸，施之屐下，以上山不蹉跌也。櫟音雷，櫟音騰。

夏郊三。畫道應龍深。
（名勝志）會稽山之東，有萬窆石，窆石之左，即禹廟也。梁末，修廟得一木，取以為梁，乃鄞縣大梅山頂梅木。張僧繇畫龍於上，忽夜風雨，飛入鏡湖，與龍鬪，後人見梁上水草淋漓，始駭之。乃以鐵索鎖於柱。《廣雅》有

翼曰。衣冠千年窆。
解見射的 玉帛萬國沈。
（通鑑）禹會諸侯於塗山，執玉帛者萬國。 荒烟專車骨。
（國語）吳伐越，墮會稽，獲骨焉。簡專車，吳子使問仲尼，仲尼曰：昔禹致羣臣於會稽之

山，防風後至，禹戮之，其骨專車。落日望狩心，盛德蔑以過。遺祠尚茲歆，渤澥斂餘漲。蒼梧分遠陰。
（宋之問禹廟詩）玉帛空天下，衣冠照海隅。旋開歷黃屋，使道出

蒼梧，林表轉轉茂，山阿井並枯。按舜南巡，崩於蒼梧，禹南巡，崩於會稽，故以蒼梧為言。前迎蓮花渚，後擁竹箛林。
解見雲門紀行，《爾雅》東南之美，有會稽竹箛。 猶迴剡曲棹。
《語林》王

大雪夜開室命酌四望皎然因咏招隱忽憶戴安道時在剡乘興棹舟經宿方至既造門而返或問之曰乘興而來興盡而返何必見安道邪

肯鼓王門琴

〔晉中興書〕戴逵字安道少有文藝善鼓琴太宰武陵王晞聞其能琴使人召焉逵對使者

前破琴曰戴安道不爲王門俗人

秦皇舊時輦散亂何可尋

〔解見雲門紀行〕

欲去不忍去追遊更來今

次定海候濤山

按志定海縣屬浙江寧波府古鄞縣地金人渡浙宋高宗乘樓船泊此候濤山在定海四向海天無際與巾子山形勢相拱朝鮮日本諸國皆在指顧之中諸蕃入貢停舶於此故又名招寶山

悲歌忽無奈天海何渺茫放舟桃花渡回首不可量

〔名勝志〕江之桃花渡北天成阜早九十有九獨有一阜半入於江其曰北渡者即奉化之北界也按奉化縣志桃花坑山在四明山

南壁立數仞延袤千尺石色紅白相間狀若桃花初發故名四山環繞如盤谷中有平田百畝

南條山斷脉北界水畫疆居然清冷淵枕彼黃茅岡朝滲日星黑夜

凄金碧光蹲虎岩倚伏

〔定海縣志〕虎蹲山屹立海口出此則爲大洋與蛟門山俱爲天設之險

鬪雞石乖張

〔慈谿縣志〕大蓬山一名蓬蓬山上有岩高五六丈左右二山屹立如鬪雞名鬪雞石

碧越湛盧

〔吳越春秋〕越王允常聘區冶子作名劍五枚一曰純鈞二曰湛盧三曰豪曹或曰盤郢四曰魚腸五曰五闕

盪泊吳餘皇

〔左傳〕吳伐楚戰于長岸子魚先楚師繼之大敗吳獲其乘舟餘皇以歸〔注〕餘皇舟名

幽波視若敵巨壑深扶桑

扶桑解見早秋偶然作

招徠或外域貿易叢茲鄉

按先生集中甬東記云自慶元桃花渡覓舟而東海際山童無草木或小僅如筋輒刈以鬻鹽東徧海有招寶

山東夷以海貨來五市必舶此山

嗚咿燕國語

〔拙遺〕唐王榭居金陵以航海爲業遇風舟破榭附一板抵一洲見翁媪皆皂服曰此吾主人郎也引至宮室見王坐大殿王皂袍烏冠金花閃閃以女妻榭榭問女曰此國何名曰烏衣國也王召

宴命作詩有恨不此身生羽翼之句王不悅命取飛雲軒遺歸之令樹入其中閉目少息已至其家梁上雙燕呢喃下視樹乃悟所止燕子國也

慎倒龍衣裳

〔書〕鳥夷卉服賦龍織貝注卉草也葛越木棉之屬織貝錦名織爲貝文詩曰貝錦是

也按爾東記云呂國本禹貢島夷後〔謝翱集〕翱嘗乘舟至鄞望海上島無數民多卉服

方物抽所寶

〔書〕明王慎德四夷成寶無有遠邇畢獻方物惟服食器用

水犀警非常

〔蜀王本紀〕江水爲害李冰作石犀五

枚二在府中一在市橋下二在水中以水精〔晉書〕溫嶠過牛渚磯深不可測遂燃犀角而照之須臾見水族奇形異狀或乘車馬著赤衣者嶠至夜夢人謂己曰與君自別何意相照意甚惡之夫幾卒〔北戶錄〕堪辨毒藥酒或中毒箭刺於瘡中立愈蓋犀食百毒

刺棘故也驅鱗作旗幟

〔爾雅翼〕海鱗長者數千里穴居海底入穴則海溢爲潮出穴則潮退出入有節故潮水有期

駕鼈爲橋梁

〔集仙錄〕穆王駕鼈鼈魚鼈爲梁濟弱水而升崑崙會西王母〔山海經〕從山多三

足鼈大如山

似于萬里眼

〔杜甫詩〕乾坤萬里眼

徒倚千尺橋稍疑性命輕終覺意氣強寄言漆國叟此去眞望洋

〔莊子〕秋水時至

百川灌河涇流之大兩涘瀆涯之間不辨牛馬於是焉河伯欣然自喜以天下之美爲盡在己順流而東行至於北海東面而視不見水端於是焉河伯始旋其面而望洋向若而嘆曰野語有之曰聞道百以爲莫己若者我之謂也〔按〕史記莊子蒙人名周嘗爲蒙漆園吏注曰地理志蒙縣屬梁國故曰漆國叟漆古文梁便攜學仙子被髮窮大荒

〔韓愈詩〕翩然大荒被髮騎麒麟

登岸泊道隆觀觀有金人闖海時斫柱刀跡因聽客話蓬萊山紫霞洞二首

我舟半夜發舉目流滔滔倏然風萬里誰謂水一篙

〔潘岳詩〕楚浪漲三篙

幽島不可辨亂蕉出如鰲

山嶺曰熾音焦

侵晨始

登岸身靜心實勞。小徑連沮洳。玄扃闕蓬蒿。彈塗爭走穴。傑步擁朱轡。

〔按〕先生甬東記云。昌國中多大山。四面皆海。人家頗居篁竹蘆葦間。或散在沙壘。非

舟不相往來。田種少。類入海中捕魚。蟪蛄蛇母。彈塗傑步。腥海。藝味。逆人鼻口。〔名勝志〕昌國在海中。隸寧波府定海縣。

怪花絡瑾瓌。陰木森蕭騷。東都昔奔潰。南海紛戰艘。蒼

楹偶潛伏。部伍爭遁逃。將施攻城火。尙見斫柱刀。黃屋祛曉褱。翠華溼秋濤。

〔宋史〕高宗建炎三年。元朮渡江。入建康。杜充敗降。呂頤浩進航海之

策。帝遂如明州。元朮渡浙來追。帝乘船次定海縣。四年。金人陷明州。乘勝破定海。昌國以舟師來襲。御舟弗及。提領海州張公裕引大船擊之。金人引還。〔按〕志明州即寧波府。

運往龍蛻久。

〔史記〕黃帝採首山銅。鑄鼎於荆山下。鼎既成。龍垂胡

鬚。下迎黃帝。帝上騎。羣臣後宮從上者七十餘人。小臣不得上。悉持龍鬚。拔墮。墮黃帝之弓。百姓仰望。抱其弓與胡鬚。號後世因名其處曰鼎湖。其弓曰烏號。

人來鶴飛高。

〔列仙傳〕蘇仙公。桂陽人。昇雲而去。後有白鶴來止郡城樓上。人或彈之。鶴

以爪攫樓板。似漆書云。城郭是人民非。三百甲子一來歸。吾是蘇公彈我何爲。

曲糲迷丹鼎。

〔定海縣志〕昌國中多大山。昔葛仙翁煉丹於此。故山以翁名。宋乾道中。耕者得一銅鼎。無足有耳。耳不穿竅。中容一斗。其底煤墨未泯。識者以爲煉丹之

器。清沼燭鬢毛。毋須踞龜殼。自此辭盧敖。

〔淮南子〕盧敖遊北海。見一士方捲龜殼而食蛤蜊。與之語。鬻然笑曰。吾與汗漫期於九垓之外。吾不可以久駐。舉臂而聳身。遂入雲中。

二

起行海東洲。

按先生甬東記。昌國古會稽海東洲也。

重險忽已渡。由來產神奇。政爲孤絕故。幽芳峯峩搜。修蟄高齧赴。

又從舟山過赤嶼轉

入外洋，望峯峯山，山出白艾地。
多蛇，峯音宅，峯音額，落音熬。
荒烟淒暗潮，旭日照晴樹，似聞蓬萊山，去此特跬步。
（又）自東霍轉而北行，盡昌國北界，土人云有蓬萊山，衆山四圍峙立。

旋繞小嶼，屹如千尺樓臺而中處，又有紫霞洞，與山爲鄰，中畔通明，方如大車之輿，潮水一退，人可入，或云人不可到，隱隱有神仙題墨，漫不能辨。
蟠根屹中立，發乳森外護，紫氛蒸作霞，玄浪激

爲霧。
（河圖）崑崙山有五色水，赤水之氣上蒸爲霞，（莊子）騰水上溢故爲霧。
古穴通若輿，靈文讀不句，赤玉鳥者誰，黃金闕何處。
解見秦山高，又神異經西北荒中有

二金闕，高百丈，銀盤五十丈，二闕相去百丈，有明月珠，徑三丈，光照千里。
常疑方士說，未省仙子遇，芝草空漢廷。
（高士傳）四皓采芝歌，莫莫高山深谷透，迤逦紫芝可以療飢。
鯨魚壓秦

路。
解見秦山高。
彼猶莫能得，今我獨何據，馮夷開水宮。
（楚辭）使湘靈鼓瑟兮，令海若舞馮夷，（山海經）馮夷人面乘兩龍。
禦寇控風馭。
（莊子）列子御風冷然，蓋句

有五日而後返，從渠指虛無，此計恐遲莫。

夕泛海東尋梅岑山觀音大士洞遂登盤陀石望日出處及東霍山回過翁浦問徐偃王舊城八首

按先生前東記，梅岑山，梅子真煉藥處，山梵書所謂補恒洛迦山也，唐言小白花山，自山東行，西折爲觀音洞，洞瞰海外，巖中裂大石壁，紫黑旁峙而兩岐，亂石如斷圭，積伏蟠結，怒潮捲擊，晝夜作魚龍嘯吼聲，又西則爲善財洞，峭石嚙足，泉流滲滴，懸纒不斷，前入海數百步，有礁，土人云，曾有老僧，秉燭行洞穴，且半里，山石合一窅，有光大如盤盂，側首睨之，寬弘潔白，非水非土，遠不辨涯際，又自山北轉得盤陀石山，轟怪益高，巖石如埵，東望窅窅，想像高麗日本界，如在雲霧蒼莽中，日初出，大如米

管海盡赤，跳踊出。天末六合，翕然鮮明。及日光照海，薄雲掩蔽，空水弄影，恍類鋪僧伽黎衣，或現或滅。南望桃花馬秦諸山，巖空刻露，屹立巨浸，如世疊太湖靈壁，不著寸土尺樹。天然可愛，東南望東霞山，山多大樹，徐市蓋駐舟此。又有沙山，細沙所積。海日照之有芒，手攪則霽屑，下漸成窪穴。潮過又補，終不少損。旁有石龍蒼白，角爪鱗鬣，具蜿蜒跨空，亘三十里。舟經其下，西轉別爲洋山，中多大魚，又北則爲胸山，岱山，石關山，魚鹽者所聚。又自北而南，則爲徐偃王戰洋，世言偃王既敗，不之彭城，而之越。棄玉几，視會稽之水。

山月出天末，水風生晚寒。扁舟劃然往，萬頃相渺漫。星河白搖撼，島嶼青屈盤。遠應壺嶠接，壺嶠，解見病起讀列子。深

已雲夢吞。〔書〕雲土夢作。又注二澤名。按志今隸湖廣岳州府。蟠木繫子纜。〔史記〕北至幽陵，南至交趾，西濟流沙，東至蟠木，動靜之物，小大之神，日月所照，莫不砥屬。注海外經曰：東海中有山焉，名曰度索，上有大桃樹，屈蟠

三千扶桑纓我冠，寸心役兩目。少試鯨魚竿。解見第八首

二

起尋千步沙。解見題注。穹石塞行路，怒濤所撻擊。撻音瘡，〔博雅〕撻也。徒以頑險故，卓哉梅子真。與世良不遇，上書空雪

衣。燒藥迺烟樹。〔前漢書〕梅福，字子真，九江壽春人。初爲郡文學，因縣道上變言事，輒報罷。時王鳳專政，王氏浸盛，福上書累千言，不納。居家嘗以讀書養性爲事。至元始中，王莽顯政，禍一朝棄妻子，去九江。至今傳以爲仙。其後人有見福於會

稽者變姓名爲吳市門卒云。列仙傳：梅福棄妻子去九江，訪道積年，遇空同仙君，授以內外丹法。後至飛鴻山，結庵修煉，功成神遊，體外丹光燭天，乘青鸞飛昇而去。自後飛鴻山號曰梅仙山。

玄螭時側行，縞鶴一迴顧。（遊）

玄螭蟲象，並出過兮，形鱗虬而透蛇。（世說）支道林好鶴，時有遺其雙鶴者，翅長欲飛，林意惜之，乃矚其翮，鶴軒翥不能復起，乃舒翼反顧視之，如似懊惋。道林曰：既有凌霄之姿，何肯爲人耳目？既乎養令翮成，即放飛去。（古歌詞）飛來自鶴，從西北方，十五五羅列成行，妻孥被病，不能相隨，五里還顧，十里徘徊，吾欲啣汝去，口噤不能開，吾欲負汝去，毛羽日摧頹。

從之招羨門

（神仙傳）紫陽真人周義山，入蒙山，遇羨門子，名子高，古仙人也。乘白鹿，執羽蓋，佩青旄之節，侍從十餘，玉女義山再拜，乞長生要訣。

羨門曰：子名在丹臺玉室，何憂不仙。

滄海晝多霧

三

茫茫瀛海間，海岸此孤絕。飛泉亂垂纓，險峒森削鐵。天香固遙聞，梵相俄一瞥。魚龍互圍繞，仙鬼驚變滅。解見題注：又定海縣志，方廣華嚴，言善財第二十八參，觀自在菩薩與諸大菩薩圍繞說法於此，然世無有知之者。始自大唐中，間有梵僧來潮音洞前，燔十指，指盡，親見大士說法，授與七寶石，因結茅以居。至梁貞明二年，有日本僧惠鑄，得觀音像於五臺山，將奉歸其國，舟觸新螺礁，蓮花當洋，舟蔽不前，鑄懇禱，若我國無緣見佛，當從何所建立精藍。有頃，舟向潮音洞，居民張氏目睹斯異，遂捨所居，築觀音院於梅岑山之陰，自山東行，西折爲潮音洞，乃大士示現處。又有善財洞，以善財參禮得名。

舟航來旅游，鐘

馨聚禪悅。

禪悅解見參寥泉。

笑然小白花，秋潮落如雪。

四

長嘯山石裂。我今在東溟。游目出重微。褰衣窮絕陁。奇氛抱珥赤。〔雜占書〕日冠者如半暈也。法當在日上有冠又有兩珥者尤吉。遠影摩空青。

想像嗚谷水。嗚谷解見柱杖歌。徘徊爛龍形。爛龍解見讀列子。晨昏相經絡。稚耄不得寧。〔淮南子〕日出於嗚谷。浴於咸池。拂於扶桑。是謂晨明。登於扶桑之上。爰始將行。是謂

臚明。至於曲阿。是謂朝明。臨於曾泉。是謂蚤食。次於桑野。是謂晏食。鑠於衡陽。是謂禺中。對於昆吾。是謂正中。靡於鳥次。是謂小遷。至於悲谷。是謂晡時。迺於女紀。是謂大遷。經於虞淵。是謂高春。頓於連石。是謂下春。至於悲泉。爰止羲和。爰息六螭。是謂懸車。薄於虞泉。是謂

黃昏。淪於蒙谷。是謂定昏。日入崦嵫。經於細柳。入於虞泉之汜。曙於蒙谷之浦。日西重暈。在樹端。謂之桑榆。〔論衡〕儒者謂日且出扶桑。暮入細柳。豈若柯斧爛。看碁了千齡。〔述異記〕信安郡石室山。晉時樵者王質伐木入

山。見二童子圍棋。與質一物如棗核。食之不覺饑。以所持斧置坐。而觀棋局未終。童子指謂之曰。汝斧柯爛矣。質歸鄉里。無復當時之人。

五

遙觀杏無極。宛與東霍鄰。〔定海縣志〕東霍山在昌國海中。悲夫童男女。去作魚鼈民。解見大佛寺。紵嶼尚餘聚。蓬山寧爾神。

〔名勝志〕大蓬山在慈谿縣東北三十里。又名蓬蓬山。秦始皇欲從此航海達蓬山。故名。古棹苦駐跡。按甬東記。東霍山山多大樹。徐市蓋駐舟此。仙枰竹祛塵。〔鄞縣志〕白石山。玲瓏峭拔。上有神仙碁枰。短褐

徒爲拂。飛棹邈難親。好攜支機石。去躍織女津。解見海上人槎費軸。

六

笑揮百川流東赴無底壑

解見讀列子

青天分極邊白浪屹為郭弁裳或時來

弁裳解見次定海候灣山

椎髻亦不惡

前漢西南夷傳

皆椎結耕田注結讀曰髻為髻如椎之形也朝鮮傳同

投珠鮫人泣

博物志鮫人從水田寓人家積日賣絹將去從主人索一器泣而成珠滿盤以與主人

淬劍龍子愕

王褒聖主得賢臣頌工人之用鈍器也勞筋

苦骨終日砭砭及巧治鑄干將之機清水

海宮眩鱗鱗商舶望貝錯盍不呼巨鵬因風泝寥廓

莊子北冥有魚其名為鯀鯀之大不知其幾千

里也怒而為鳥其名為鵬鵬之背不知其幾千里也化而飛翼若垂天之雲遠遊上寥廓而無天注寥廓廣遠也

七

老篙迴我舟沙壘晚烟起

廖音壘

蒼茫魚鹽場

解見題注

寂歷鼓吹里

定海縣志鼓吹山在昌國山之陰今有偃王祠山韻平坦如掌可容數百人每風雨晦冥隱隱有鼓吹聲

人民悲舊干歲月祀遺趾終捐玉几研不掾朱弓矢

水經注徐偃王之異言徐君宮人媿而生卵以為不祥棄之水濱孤獨母有犬名曰鶻倉獵於水側銜卵以歸獨母以為異覆煨之

遂成兒生時偃故以為名徐君宮中聞之乃更錄取長而仁智襲君徐國後鶻倉臨死生角而九尾實黃龍也偃王葬之徐中今見有狗

黿焉偃王治國仁義著聞欲舟行上國乃導溝陳蔡之間得朱弓矢以得天端遂囚名為號自稱徐偃王江淮諸侯服從者三十六國周

東西八駿馬

解見讀穆天子傳

今古萬螻蟻

莊子道在螻蟻

此事如或

然須滿會稽水。

八

我行半天下始到東海隅。水落巖石出中飛兩鶉鷓。

〔莊子〕魚不畏網罟而畏鶉鷓。〔爾雅翼〕鶉鷓似鶉喙長尺餘。頷下胡大如數升囊。若小澤中有魚便共杼水滿其胡。

而屏之水盡魚見乃共食之。故一名鶉鷓猶滄澤也。

情知瓊奇產勢與險阻俱在夷豈必陋雖聖猶乘桴。吭風丹穴鳳。

〔山海經〕丹穴之山有鳥五色而文名曰鳳。

韓愈詩引吭吐

尾雨青丘狐。

〔山海經〕青丘之國有狐九尾。德至乃來。〔幽明錄〕董仲舒下帷講誦有客來訪云欲雨董戲之曰集居知風穴居知雨君非狐狸則是鼯鼠客遂化老狐而走。

幸隨任公子。

不愧七尺軀。

〔莊子〕任公子爲大鈞巨緇五十犢以爲餌蹲乎會稽投竿東海且且而釣期年不得魚已而大魚食之牽巨鈞陷沒而下驚揚而奮鬣白波若山海水震蕩聲作鬼神憚赫千里離而腊之自澗河已東蒼梧已北莫不厭若魚者。醬音介。

初海食

乍秋冒重險增我愁恨端。故人喜我來爲我具杯盤。盤中何所有海族紛攢攢。盲風吹衣慘。

〔月令〕仲秋之月盲風至。〔注〕

盲風疾風也。

蜃雨洒席寒。

〔說文〕蜃南方夷也。音禮。上聲。〔嶺南異物志〕蜃煙蜃雨無別晨暮。

春魚白如刀小棹凌碧湍。淡菜類山結巨鏹就石剗。

〔本草〕

淡菜生東南海中。南人好食之。〔說文〕鏹大鉏也。音嬰。〔韓愈詩〕有洞若神剗。〔說文〕剗削也。鳥歡切。音曉。

水母或潮捲。

〔郭璞賦〕瓊蛤腹蟹水母目蝦。〔注〕水母有智識無耳目以蝦爲目。潮來羣蝦擁水母若竹槎然。潮退蝦去爲人剗。

赤岸。地名。曠產瓊田芝。〔十洲記〕祖洲東海中地方五百里。上有不死草。生瓊田中。草似菰。苗人已死者。以草覆之。皆活。或名爲神芝。

老生今安在。方士不我欺。經過燕齊靡。出

沒楚漢危。挾山作書鎮。分海爲硯池。殘花錦石爛。淡墨珠巖披。

〔定海縣志〕桃花山。安期生以醉墨洒石上。遂成桃花。故名。〔按〕地輿志。珠巖屬寧波府象山縣。自海中

望之。嘗有寶氣。故名。東溟地涵蓄。北極天幹維。〔天問〕幹維焉繫。天極焉加。〔注〕說文曰。幹。轂端也。是車轂之內。以金爲之。而受軸者也。極。謂南北極。天之綱紐。常不動處。譬則車之軸也。幹一作筦。並音管。玉鳥

投已遠。解見秦山高。桑田變難期。〔列仙傳〕麻姑謂王方平曰。吾見東海三爲桑田。

誓道凌波步。〔曹植賦〕凌波微步。羅襪生塵。

行折拂日枝。〔淮南子〕扶桑在陽州日所

拂。〔注〕十日所出。九日居下枝。一日居上枝。

羽丘杳如夢。解見藏髮髮子圖。

玄圃深更疑。〔十洲記〕崑崙三角。其一角正北。名曰閼風巖。其一角正西。名曰玄圃堂。其一角正東。名曰崑崙宮。〔淮南子〕崑崙山。去地萬

一千里。上有層城九重。或上倍之。是謂閼風。或下倍之。是謂縣圃。玄圃一作縣圃。

豈無抱朴子。解見景陽宮。

去我迺若遺。空餘煉藥鼎。藥鼎。解見泊道隆觀。尙有樵人知。

